

五  
國  
年  
庚  
子  
傳



宗炎敬署

光緒十五年九月  
卯月廿五日  
卯月廿五日  
卯月廿五日  
卯月廿五日  
卯月廿五日  
卯月廿五日  
卯月廿五日  
卯月廿五日  
卯月廿五日

正定王氏家傳敘錄

敘曰學不足以知一心胡以爲身謀識不足以知一家胡以爲國與天下謀此皆君子所宜急乃泄泄以從事可憂孰甚焉耕心無狀睠道誼之原莫能徹其涯涘唯於先世文獻仰止既久確知其會通所在此家傳之所繇箸也我王氏奠居正定禩踰五百仕學相引十有四世命世之傑或接迹古賢篤守恆心無所失墜者亦項背相望而求諸家乘記載蕪浩莫能統一若不亟加譔集且虞湮沒無傳故過不自揆廣稽旁證理而董之謹次爲傳以詒後人務宏追遠之

正定王氏家傳敘錄

一

規遂違退讓之雅匪敢專也有所不得已者在也其論述大例則一本史氏或加埤益必以比義爲斷若掇拾凡陋以累我先人則有所不忍增不知誰何之美以誣我先人亦有所不敢得失之故我先人之靈爽實式憑之雖爲不知者所詬病無恤焉此義法所在小子所嘗盡心者也烏呼尊祖故敬宗敬宗故收族收族之制雖末繇復尊敬之誼烏可不求其本然而志不立知不致視一家如秦越能契性命之奧者誰歟能擴兼善之量者誰歟能不朽其業以爲祖宗光者誰歟此尤小子所深懼且彷徨四顧累涕增欷

不能自己者已後嗣達人其亦有取乎此正定王氏家傳五十首總六卷敬次目錄如左光緒十四年太歲在戊子冬十月校定訖付汗青可繕寫其十一月哉生霸弟十九世裔孫耕心謹撰  
始祖清源公家傳

四世祖太和公家傳

封中憲大夫開封府知府七世祖後泉公家傳

山東按察使司副使整飭臨清兵備道八世祖方山公家傳

光祿寺少卿九世祖紹山公家傳

正定王氏家傳敘錄

膠州州判九世本生祖見山公家傳

山東左布政使九世從祖思山公家傳

霍州學正十世祖視亭公家傳

贈文林郎宣化縣知縣十世族祖尊思公家傳

附學生十世族祖奕思公家傳

右弟一卷

石埭縣知縣十一世祖百成公家傳

附學生十一世族祖君錫公家傳

太常寺卿十一世族祖恆碣公家傳

贈朝議大夫知府銜永定河北岸同知十一世族祖

冰潭公家傳

附學生十一世族祖軒明公家傳

肇慶府同知十一世族祖紫鉉公家傳

贈修職郎句容縣縣丞十二世祖潔齋公家傳

附學生十二世從祖和璞公家傳

恩貢生十二世從祖文懿公家傳

廣西右布政使十二世族祖止庵公家傳

福州府知府十二世族祖柏崖公家傳

右弟二卷

婁縣縣丞十三世祖厚庵公家傳

正定王氏家傳敘錄

任縣教諭十三世從祖蘅皋公家傳

孝子十三世族祖少梅公家傳

南康府知府十三世族祖奕臣公家傳

翰林院孔目十三世族祖瀛一公家傳

萊州府知府十三世族祖樗庵公家傳

處州府知府十三世族祖澂齋公家傳

臺灣鎮左營參將十三世族祖子聘公家傳

右弟三卷

贈通議大夫兩淮鹽運使太高祖廓亭公家傳

樂昌縣知縣十四世族祖眉庵公家傳

海州州判十四世族祖香巖公家傳

饒陽縣教諭高祖漁湖公家傳

盧龍縣訓導十五世族祖均庵公家傳

贈文林郎夏縣知縣曾王父卜臣公家傳

浙江按察使本生曾王父椒園公家傳

附學生王父琴舫公家傳

知州銜汾陽縣知縣從祖遠亭公家傳

兩淮候補鹽運使司經歷先考鞠龕公家傳

鹽提舉銜江蘇候補知縣世父梅叔公家傳

知府用武定府同知從父五橋公家傳

正定王氏家傳敘錄

翰林院檢討從父石盧公家傳

右弟四卷

十一世族祖妣邵夫人家傳

十二世族祖妣梁夫夫人家傳

十三世祖妣梁孺人家傳

十五世族祖妣劉太君家傳

本生曾王母傅淑人家傳

王母傅太君家傳

右弟五卷

王氏先正會傳

王氏先碩人會傳

右弟六卷

第十九世裔孫官毅審定官澄夔立譯柳官智官紱  
宗炎官穉官潛襄閱二十世裔孫海琳海觀海華海  
壽海年海康海容海崧海昆海岑海諶海鑄海會海  
慈海筠海鈞恭校

正定王氏家傳敘錄

五

慈壽海筠海鈞恭校

宗炎官穉官潛襄閱二十世裔孫海琳海觀海華海  
壽海年海康海容海崧海昆海岑海諶海鑄海會海

右弟六卷

正定王氏家傳敘錄竟

正定王氏家傳卷第一

第十九世裔孫耕心

心箸

始祖清源公家傳

公系出太原王氏諱大賢先世山西清源縣羅谷都

西峪村人有明洪武三年以選充真定衛右所小旗

始遷真定遂爲真定人字不傳後嗣號稱清源公楬



先籍也公家真定卜宅城北之權城村及卒葬城東三里屯今塋兆存焉或謂公所居亦在三里屯蓋誤子三曰林曰思忠曰福廣

十九世裔孫耕心曰公遷真定迄今五百二十年保

正定王氏家傳一

一

世滋大宗支繁衍而數典者或致忘始祖殆非所以承先澤也清源於元屬冀甯路於明屬太原府真定於元屬真定路於明屬真定府清源今日清源鄉并入徐溝縣真定自雍正後乃改稱正定而新修正定縣志於前世縣名宜書真定者皆改爲正定義例疏謬不足依據此皆吾宗所宜知也相傳公始遷時夫婦二人以獨輪車至衣衾釜甑外無長物故清源以上世次無徵焉居真定後文獻相承譜牒咸備乃彬彬然無缺軼矣自公寄迹兵農傳數葉無顯者而每以潛德懿行見推鄉黨四世祖太和府君開誠化俗令



聞尤著及七世從祖柏軒府君始登仕籍爲學官八  
世祖方山府君始以科第起家致身通顯繇是三百  
年來繼繼繩繩守業勿替號吾縣著姓徵門閥者必  
及焉蓋皆公之詒謀有以啟之此尤吾宗所宜知也  
夫世家大族皆以天爵爲盛衰而人爵其後焉者也  
故當其始莫不崇德懋功然後世業隆起慶及子孫  
及其衰亦莫不裂冠毀冕然後身名兩敗辱及先祖  
亞聖之訓乃百世通誼旣昭然矣而妄庸之士每以  
門祚旣崇轉忘先世功德蔑棄禮法逐欲忘歸大則  
侮世殃民立見禍敗小亦辱人賤行下伍輿臺乃猶

正定王氏家傳一

二

坦然向人無意內訟不知祖宗有靈痛哭地下者固  
已久矣烏呼家道升降之原天人相與之際可勝歎  
哉耕心少別里黨壯無學術而於木本水源恆久不  
忘故因論次公傳慨然太息輒附鄙說以質吾宗夫  
盛衰之理海內名族莫不皆然吾宗得失詎能獨外  
有志之士苟外治方策內克身心獨善兼濟孳孳不  
已天人之故旣通轉移之境斯闢果能無忝先祖自  
然福被子孫矣明哲君子通材子姓其念之哉其念  
之哉

四世祖太和公家傳

公姓王氏諱順字用和直隸眞定人考亨公少業農不甚解文字而天資朗悟敏於剖斷鄉人有疑就公決公輒以片言析是非皆唯唯退謝莫能置詞久之名漸著排難解紛無虛日鄉黨畏公甚於畏長吏終公世鄉無訟獄而公開誠接物謙謙自牧終其身無名利心故遠近慕敬之號稱太和先生而不名順德府有疑獄久不決巡按御史檄知府必欲得其情知府難之一老吏進曰眞定有太和王先生者雖布衣然持行高有聽斷才試與謀或得當焉知府以爲然使使者聘公公辭焉使者再請乃往知府告以故問

正定王氏家傳一

三

策所出公使知府訊兩造而自屏閒聽其辭訊已謂知府曰某囚某辭中有罅隙繇此批導之情僞可立判也知府諾一訊而服讞遂定獄上巡按驚異之移檄褒美知府悅推公爲上客疇以金幣辭不受乃以禮遣歸繇是名益著賢豪長者皆願納交而公無所矜伐謙抑如故也卒年失考順德之役在有明宣德閒子三瑄璋琪

十六世裔孫耕心曰正定王氏肇基於清源種德於太和下逮後泉方山乃昌厥宗今之三大門皆太和子孫也而太和之名知者蓋鮮詎非後死之責哉蓋

世族之陋莫甚於忘忽先世之潛德而惟徵名爵苟懲其陋則振公之緒者必有人公乃大慰公益不朽矣同里梁玉立氏清標嘗爲公傳稱公有王彥方之風而以限於資格不獲用世爲公惜是固然矣而耕心所深惜者乃在彼而不在此吾宗明哲不知又以鄙見爲何如也

蓋世公事王父及買太君墓地  
封中憲大夫開封府知府七世祖後泉公家傳

公姓王氏諱佑字天眷號後泉直隸真定人始祖大賢原籍山西清源縣有明洪武三年始遷真定後嗣號清源公清源子林林子亨是爲公高祖亨子順順

正定王氏家傳一

四

號太和先生是爲公會王父太和子璋璋號東原翁是爲公王父東原子連連號潛德翁是爲公之考東原淑儻有節概潛德孳孳樂善好施濟鄉黨皆推重之公少治舉業無所就而篤守古訓廉隅自好非禮弗履潛德府君蚤世公事王父及妣賈太君盡敬盡養無毫髮過東原府君篤愛之嘗曰承先業啟後昆必在此兒矣公每以失學自訟教諸子有法度以冢子貴封中憲大夫河南開封府知府及冢子卒更以所以教子者教諸孫諸孫復繼起公乃以壽考終年八十有九時萬曆九年也公抑抑自下樂道人之善

子孫雖貴顯足迹未嘗及公門治家儉約衣無紈綺  
食不重味蓋有古敦龐長者之風焉子四長撫民累  
官山東按察使司副使整飭臨清兵備道次育民次  
新民儒官次澤民

十三世裔孫耕心曰竊觀家乘見公教子若孫勤勤  
精到無文飾意蓋皆出於身體力行非襲故紙以講  
學者所及焉渾渾爾噩噩爾溢三百年間公之風者  
猶不敢萌佻薄念誠之所及遠矣哉

山東按察使司副使整飭臨清兵備道八世祖方山  
公家傳

正定王氏家傳一

五

公姓王氏諱撫民字仁甫號方山直隸真定人考佑  
封中憲大夫河南開封府知府公繇嘉靖二十年進  
士授戶部廣西司主事累遷郎中外擢河南開封府  
知府性通敏有吏材官戶部時督理太倉銀庫適有  
僞銀納官之弊公疏請納銀者皆鑄官銜匠名於錠  
以備稽覈朝議躩之遂箸爲令初莅開封時有積案  
三百餘宗不數月皆訊決無枉縱府人稱神君焉居  
官風裁棱棱無華飾無私謁後遷山東按察使司副  
使整飭臨清兵備道卒於官年四十有一時三十四  
年也子三蔚光祿寺少卿藻山東左布政使薦山東

膠州州判少書風節廉潔在流瀾早歲置國  
十二世裔孫耕心曰公強仕徂謝治勩不多見然廉  
以持身明以莅政綜其大端已足詒似續矣厥後子  
孫濟美循良踵起有以哉謝為自得其弊幾不可  
光祿寺少卿九世祖紹山公家傳世世無惠後生  
公姓王氏諱蔚字國光號紹山直隸真定人考撫民  
山東按察使司副使整飭臨清兵備道公繇隆慶五  
年進士授山東滋陽縣知縣滋陽多宗室無賴最號  
難治公至持正不阿一裁以法人不敢犯數年縣大  
治擢南京戶科給事中督理後湖黃冊悉屏宿蠹都

正定王氏家傳一

六

人稱之閱五年遷尙寶司少卿旋擢北京光祿寺少  
卿未赴以憂歸公少時刻苦力學有文名立朝侃侃  
不畏強禦官戶科時嘗極論屯田積弊復抗疏劾罷  
授戶部右侍郎胡執禮及右都御史謝鵬舉以是邪  
黨皆側目迨憂居竟以被論除名終於家萬曆二十  
年卒年五十有一公居鄉篤恩誼所周恤無慮數十  
百人退處十年角巾布服翛然自得其沖淡尤不可  
及云繼嗣子兆吉山西霍州學正  
十二世裔孫耕心曰明自萬曆後小人道長君子道  
消士大夫少箸風節輒授奇禍繇是頽墮馴致滅亡

卒無覺悟通識憾焉公正色立朝無所貶詘以未躋  
顯位僅獲廢棄殆有天幸然讒人高張賢士無名沿  
索其流弊所極彌足悲已

思山公家傳  
膠州州判九世本生祖見山公家傳

公姓王氏諱薦字國士號見山直隸眞定人考撫民  
山東按察使司副使整飭臨清兵備道公少有宿慧  
甫冠與伯兄紹山仲兄思山兩府君皆以治舉業文  
有盛名而公尤著後兩兄皆登第公獨不遇晚繇歲  
貢生授山東膠州州判恥以送迎絙歲月自免歸萬  
曆四十二年卒年六十有八子二兆慶附學生兆吉

正定王氏家傳一

七

霍州學正少出嗣爲伯兄後

十一世裔孫耕心曰公以舉業文見推於鄉黨乃恆  
歛然不自足人多怪之蓋科弟之外猶有事在公旣  
稔知之論者或不及知爾近世治舉業者乃并文藝  
不自反遽積怨尤以貽通識笑陋何如哉然則公所  
失者僅其一公之所得猶處其二焉此又子姓治舉  
業者所宜盡心也

思山公家傳  
山東左布政使九世從祖思山公家傳

公姓王氏諱藻字國華號思山直隸眞定人考撫民  
山東按察使司副使整飭臨清兵備道公繇隆慶二

年進士授南直隸甯國府推官署宣城縣知縣內擢  
禮部祠祭司主事改廣東道監察御史巡視中城出  
巡兩浙鹽政巡按山東旋還朝巡視京營當是時江  
陵張居正當國諸附麗者恆得美秩公獨孤行己意  
無所阿比有挽以共投門生刺者公辭焉居正母路  
出山東餽謁者駢道公方爲巡按獨不往及巡京營  
復論劾居正所親厚者以是積忤居正意幾爲所中  
賴銓曹持以公論得無恙但藉年例外轉按察使司  
副使分巡河南道人皆爲不平公夷然也初知宣城  
多惠政經畫一條鞭法利民尤大及巡兩浙執法不

撓鹽政大起分巡河南時有礦盜倡亂公嚴緝皆就  
捕復有妖黨縱橫公設方略解散之全活甚眾萬曆  
十年遷山東布政使司參政分守濟南道旋署布政  
使越二年以憂歸服闋除陝西參政分守隴右道旋  
改按察使司副使整飭莊浪兵備道莊浪僻在邊垂  
地方雲擾會以歲祲邊餉屢空士卒嗷嗷且激意外  
變公乃議多增鹽引而使鹽商納糧餉於官繇是商  
皆應募不兩月所納粟已支一歲是年秋成復稔士  
馬飽騰邊圉遂安公乃乞病歸有終焉之志旣閱視  
甘肅給事中李汝華及巡按直隸御史安文璧交章

論薦詔賜金幣復起爲按察使司副使整飭霸州兵備道二十年遷河南右布政使尋轉山東左布政使時東海有倭警議沿海設兵而以乏餉爲憂公爲別籌餉源糧乃不匱已而歲大饑民多流亡公議以備倭軍糧四萬石振之民獲蘇醒所拯無筭司庫收支胥吏爲奸畸輕畸重州縣以爲鉅患公復議出納之際使解官自兌宿弊遂絕二十二年以疾致仕甫兩月終於家年五十有一公少有至性潛心道誼通周易好宋五子書其爲學以主忠信爲本以希聖爲歸胸有統會視聽言動靡不中禮莅政精勤案無留牘

而尤以清節著初署山東布政使吏以羨餘進公不納時宗藩祿糧多缺乃以所羨償所虧宗藩德之分司隴右時州縣解紙贖心紅之屬亦不取及再任山東吏進羨餘萬餘金公悉報撫按存爲公費已請以三千金修文廟登州蓬萊罹水災多死者乃以所餘充振資民大感悅撫按皆敬異同年生張鞏昌謂公清介太過以爲大恩而山東高副使者方官井陘道每謂公鄉人曰此我山東二百年所未有也當是時以方岳負海內重望者公實稱首云其居家孝友肫摯終身如一日自奉儉樸外無華飾內絕聲色及告



歸田宅無所增不異爲諸生時而秉性慈祥好周人  
急同府賈知州者有賢名貧無所棲卽捐廬以處之  
鄉人以爲難天啟四年詔祀鄉賢祠子六兆年附學  
生兆甯蚤世兆弘四川丹棱縣知縣兆熙廩膳生兆  
泰附學生兆定禮部儒士東應陳陳公裕  
十一世從孫耕心曰吾宗以聖學見者公爲第一人  
而著述無傳厥後十三世從祖蘅皋府君繼之有著  
述矣而隕於仕進兼善無聞及我本生曾王父椒園  
府君會通儒佛起而恢宏之論著奧衍能自樹一家  
言治勦充實亦與公先後輝映則皆公有以導其先

正定王氏家傳一

十

也公爲學有實效無空言得於有明叔季之世爲尤  
難柏鄉魏文毅公銘公之藏謂公抗志希古懸魚茹  
檠始終如一所論最切蓋知言云本生曾王父  
霍州學正十世祖視亭公家傳視亭公  
公姓王氏諱兆吉字子祺號視亭直隸眞定人考蔚  
光祿寺少卿本生考薦山東膠州州判公繇歲貢生  
授曲周縣學訓導崇禎十三年遷山西霍州學學正  
霍州附生苟如蘭嘗以事忤知州丁時學時學惡之  
必欲致之死屢謀於公公以如蘭無可殺罪拒不應  
時學大憾每以事陵轢公公卒不顧十七年春霍州

土匪大亂劫殺雲起且謀迎流賊公慨然棄官去猶以兵阻不得歸如蘭聞之感公舊恩屢館公於別墅數近兵火卒獲無恙適公子太初亦自家來訪遂得歸而困瘁已不可楮矣順治五年卒年七十有六子二太儀附學生太初江南石埭縣知縣

十世裔孫耕心曰公宅心敦樸犯而不校觀所著年譜蓋自處家已然不獨苟生一事已也晚更喪亂履險不傾身名俱泰亦其宜矣

贈文林郎宣化縣知縣十世族祖尊思公家傳

公姓王氏諱兆年字伯修號尊思直隸眞定人考藻

正定王氏家傳一

十一

山東左布政使公性端毅操純履潔慕古篤行士尤以家法名鄉黨閒其治家婚嫁喪祭皆有儀式不豐不嗇適如禮制晨興坐堂上男女各營所職業無敢惰男非冠女非袞裳無敢以褻見布政府君有丈夫子六公其冢子也六子既有室食指益繁而布政以清節著旣歿家無長物公不干非義惟以勤儉率諸弟諸弟亦循其教家賴以濟暇則涉獵載籍旁及醫方卜筮督諸弟惟以經史故諸弟皆以儒術見而弟五弟兆泰尤以高材博學知名太常公鍾龐公仲弟之子也少孤公視之如己子而尤有恩太常旣老每

念公及公之所以治家者輒太息以爲古之人焉公  
卒後家人守其成法門以內莫不雍如肅如眞定論  
有家法者必曰王氏皆公之遺也公少補附學生以  
豕孫官贈文林郎廣西宣化縣知縣卒年三十有九  
萬曆三十三年也子二鍾美定州營千總鍾鼎附學  
生東亞南史劉公大才英雄兼資文苑鍾鼎附學不  
才世族孫耕心曰古以家法名後世者漢曰石氏唐  
曰柳氏宋曰呂氏陸氏恩義兼著足以儀百世雖先  
聖哲修齊之學無以遠過公所爲庶幾近之矣然有  
治人無治法苟無其人法不徒行而公之於家一人  
尤使人低徊無已焉

正定王氏家傳一

十三

附學生十世族祖奕思公家傳書以  
公姓王氏諱兆泰字階平號奕思直隸眞定人考藻  
山東左布政使公天才英敏兼資文武於學無所不  
闕經史外凡天象地形兵法奇遁及陰陽術數莫不  
殫精研思通其奧蹟遇異書必錄其副俛而誦仰而  
思手胝口沫無厭倦也生有神力舉重若輕殆勝百  
鈞嘗與從兄霍州公兆吉戲手車軸兩輪實大樹上  
人莫能取見者駭焉當是時海內多故公旣負異材

恆有用世志已見事無可爲乃終隱不復出年五十  
有一卒於家崇禎閒嘗與客登城遙矚忽見東北方  
紫氣炎炎其光燭天或問故公歎曰國運將有大變  
此天命也復何言公既歿三年莊烈殉國明社遂屋  
公之卒實崇禎十五年五月也公少補附學生子鍾  
岳增廣生

十世族孫耕心曰公以曠代逸才侘傺以終歿後惲  
惲孤寡至無以殮子壻都司僉書賈人豪哀之既助  
其喪復榻表墓上斬用不朽文詞雖略其高識厚誼  
有足多者烏呼桓桓武夫乃能知此彼才智自命者

正定王氏家傳一

三

於三不朽事轉無聞焉何也公於是爲知人矣

公之卒實崇禎十五年五月也公少補附學生子鍾  
岳增廣生

公之卒實崇禎十五年五月也公少補附學生子鍾  
岳增廣生

正定王氏家傳卷第一竟

正定王氏家傳卷第二

弟十九世裔孫耕心箸

石埭縣知縣十一世祖百成公家傳

公姓王氏諱太初字百成直隸真定人考兆吉有明山西霍州學正順治十六年公繇副榜授江南石埭縣知縣甫莅任閩海盜鄭成功寇江南移檄遠近府縣使出降不降且屠城江南大震石埭民恐私造降冊劫公入土地祠迫書諾公力拒則脅以白刃公以頭觸柱示必死民曰公雖不降不能禁我輩之降我輩降亦不患公之不降也遂扃祠門使人嚴守而出

正定王氏家傳二

一

議迎降事議未定梁總兵化鳳撥兵已至痛勦賊賊大潰城遂獲全而民之首事降賊者懼官發其謀將及禍猶洵洵圖議勢且不測公聞之急招至諭之曰吾爲 朝廷命吏固無降賊理若輩欲降亦徒以避死耳豈誠樂從賊哉今幸荷 天子威靈及梁將軍之賜已出若輩於萬死則若輩猶吾赤子也吾忍使若不死於賊轉死於吾手乎遂取降冊對眾焚棄之眾感泣去民心乃安縣民陳懋修者富而狡先爲布政司書吏以犯法被斥且發本縣杖責公奉檄將行法懋修使人說公乞免且進巨金爲壽公不可再請

固不可卒杖之懋修大恨必欲殺公以泄忿乃賂羣盜劫公署盜至不趨倉庫惟務殺人有家僕二人嫻技擊出禦之殺一賊而二僕亦被殺公走匿後圃鹿羣中鹿競蔽之盜大索公不可得搜後圃則羣鹿臥自若盜謂已逃乃罷索而卒搜縣印去公繇是奪官留緝盜已而盜盡獲奸謀大露逮懋修繫獄懋修復上下行賄謀翻案凡數年幾爲反噬及羣盜伏法案乃結公亦以赦復官乃歸里不復出崇禎十七年山西大亂霍州府君棄官避寇於山堡音耗斷絕公徒步往省崎嶇兵火間卒訪得之父子相抱泣乃奉以

正定王氏家傳一

二

歸歸途屢蹈危險皆無恙人稱其孝感而霍州府君亦謂人曰不圖吾兒之誠孝若此也公少時刻苦向學工詩畫今皆不可見惟逸詩一卷藏於家康熙三十年卒年八十有三子六璩附學生珩廩膳生珩附學生瓚增廣生珩恩貢生球康熙辛卯科舉人

雲孫耕心曰公於忠孝大節卓然無愧博涉艱難卒以獲濟殆繇天相厥後文獻相引幸無隕越今且十世矣則公之詒謀遐哉茂焉苟有明哲烏可不追念所從出哉

附學生十一世族祖君錫公家傳

公姓王氏諱鍾鼎字君錫直隸真定人考兆年附學生公少有儁才治經籍求大義不屑爲章句學善屬文好詞賦天性忠耿篤於宗族每出佐大府幕脩脯所入恆分助里黨無德色王氏向無家乘公始創爲之後累世譟集得成完書皆公有以倡之也故明崇禎十七年公客北京三月李自成來寇及城陷公大憤號呼曰國家養士三百年今乃見社稷傾覆邪吾縱不能操兵柄以制賊肯與賊共戴天哉乃衣襦衫赴棋盤街罵賊賊不聞聲益厲賊大怒交刃之遂遇害烏呼足不朽矣公少補附學生無子

正定王氏家傳

三

九世族孫耕心曰公以諸生殉國難而忼慨若此殆無所爲而爲之者邪設通籍當與申孔嘉黃陶庵諸君子爭烈矣

太常寺卿十一世族祖恆碣公家傳

公姓王氏諱鍾龐字慧生號恆碣直隸真定人考兆甯蚤歿妣趙氏高邑人吏部尙書忠毅公南星女繼妣許氏同縣人也明熹宗時公以恩貢生授內閣中書舍人魏忠賢亂政忠毅具疏劾之密以稟授公使繕寫公藏橐於內宅而繼妣許太夫人有姪亦官京師久爲魏氏私黨而公不知適至公內宅竊見疏橐

何公隙遽袖之走白忠賢繇是忠毅之禍益棘而公之名亦遂爲忠賢所知矣及汪文言獄起忠毅被陷公亦牽連就逮保定巡撫郭尙友及巡按御史馬逢皋皆忠賢私黨也旣庭辱忠毅復杖公及忠毅子清衡獄具謫公戍永昌衛逮莊烈踐位乃得召歸復原官旋擢翰林院典籍加禮部員外郎李自成陷北京公不屈被繫幾死公子原膺以計脫公於獄乃歸里

我  
世祖定鼎京師起公於家再復原官遷太僕寺少卿再遷太僕寺卿太常寺卿公少明敏博聞強記爲文

正定王氏家傳二

四

踔厲風發饒奇氣官京師久尤習掌故凡朝廷大典禮如玉牒經筵諸儀式多所裁定性好周人之急族黨賴以舉火者甚眾而自奉乃極儉轉有人所不能堪者順治十五年終於位年六十有六詔賜祭葬贈通政使司通政使子三原膺廣西右布政使原直福建福州府知府  
九世族孫耕心曰明代忠烈之士震爍天地自東漢以來不多覩而附和權奸者頑鈍無恥天良泯絕亦往往出恆情之外心術之不相及誠有不能推測者邪如許氏之於公抑何怪也許氏以媚璫故頗致通



顯巡按淮揚時進羨餘金百餘萬復爲魏璫建生祠  
故崇禎後名列逆案而陷公始末亦詳見眞定鑿誠  
志事旣著矣今沒其名蓋不欲刻礪出吾宗非爲闖  
黨諱也自公被陷後吾族例不與許氏通婚姻至道  
光間有犯約者宗人輒大鬩復申舊例而許氏名益  
顯烏呼怨毒之於人亦甚矣黨奸禍世之徒其得失  
果何如哉

冰潭公家傳

公姓王氏諱鍾岳字岱輿號冰潭亦號恆石直隸眞

正定王氏家傳二

五

定人考兆泰有明附學生公天才超軼狀貌瓌傑美  
須髯善騎射工書畫詩歌詞賦靡不精妙博聞強記  
學演迤無涯涘少充增廣生每試不得意後遊京師  
名藉甚或勸繇捷徑掇功名復不屑就竟以諸生終  
性豪邁好游名山水足迹幾徧海內同里梁公清標  
公之甥也康熙十二年秋以戶部尙書奉 詔赴廣  
州經理平南王尙可喜徹藩事公與偕行時廣州議  
論籍籍人皆洵懼公獨飲酒賦詩與梁公相應荅意  
豁如也王氏向無家乘公因從兄君錫府君所錄世  
系創義例蒐集之乃有成書所著曰香草亭詩集若

于卷所遺書畫燕趙閒皆珍弄之今且寥寥不易觀  
云康熙三十八年卒年六十有六以孫官贈朝議大  
夫知府銜永定河北岸同知子六原貞增廣生原昭  
國子監生原毅廩膳生原雍處士原讓原煥皆增廣  
生生諱舜無聞初並跟於吳香洲于公樂淵賦諱大  
九世族孫耕心曰吳三桂既叛於雲南廣州人多反  
側梁公諭解之公與有力焉王氏家乘萌芽於君錫  
府君公復繼爲之及我太高祖廟亭府君踵事增修  
事迹乃備公之有益於宗學者於是爲大若抱道懷  
蕪不爲世用乃畸士所同慨蓋非獨公一人也已

正定王氏家傳一

六

附學生十一世族祖軒明公家傳

公姓王氏諱鑑字軒明直隸正定人高祖倫字柏軒  
有明嘉靖閒拔貢生官阜城縣學教諭曾王父獻民  
字慎菴處士王父蔭字仰山崇禎閒禮部儒士考兆  
鯤武舉人是爲振南府君府君性忠耿篤恩誼與人  
交始終無閒時推魁傑長者族子石埭縣知縣太初  
以被劫奪官賓客僕隸皆散去府君方家居聞之慨  
然徑偕石埭之子玕往省於江南相依數年外佐訟  
獄內謀生計備極勞瘁卒與甯事歸或勸其去府君  
曰朋友且共患難况宗族乎卒不聽康熙四十七年

卒年九十有六公少補附學生能爲制舉文而試輒不遇鄉居教授垂三十年生平力崇勤儉自立家室有耕而後食之操嘗曰吾值豐年如凶年至凶年當如豐年也年幾八十猶躬自灌園或以節勞勸公曰吾自樂此不爲疲也若飽食而嬉不閒死且氣死矣乾隆五年卒年八十子原恪味報善之武海山重然

正定王氏家傳二

七

震聾瞶厲薄俗亦豈甘下達保妻子者所能幾哉今皆勾而著之於篇非無謂也蓋有以也業爲吾宗

肇慶府同知十一世族祖紫鉉公家傳

公姓王氏諱鏐字紫鉉直隸眞定人曾王父子民字心庵有明附學生四世祖太和府君之元孫也重然諾篤恩誼處己以敬謀人以忠宗黨賴之王父蘅字嗣山亦明附學生性坦易無疾言遠色橫逆相加輒謹避之未嘗與校家饒資產好行利物事時推長者考廷瑞字德徵順治戊子科舉人河南鹿邑縣知縣公繇國子監生官河南夏邑山西翼城兩縣知縣擢

廣東肇慶府同知康熙三十六年卒於任年五十有  
四自公會王父迄公凡四世皆以敦族睦姻爲務公  
天性恢宏尤好施與居家設義學以教宗族子弟賴  
以成名者甚眾值春秋試期必按名助公車費終公  
世無以貧故阻進取者戚族誣誘乞假歲無虛日公  
皆量力資之無不意滿其視人艱難一如疾痛之在  
厥躬行所無事不求名譽蓋天性然也好名馬喜壯  
士踔厲風發人恃以爲重蹈仁襲義以擴先業時以  
爲倣儻君子焉繼嗣子原懔附監生

三人也

九世族孫耕心曰貴不禮士是謂賤德富不資人是

正定王氏家傳二

八

謂貧德既賤且貧世奚以賴如公所爲庶幾富貴其  
德達於邦家者矣烏呼古之人與古之人也

贈修職郎句容縣縣丞十二世祖潔齋公家傳

公姓王氏諱瓚字子中號潔齋晚號東村居士直隸

正定人考太初江南石埭縣知縣公少有至性石埭

府君在官被盜幾蹈不測公聞之爲流涕不食石埭

與家人書曰是見仁孝出天性可念也弟三兄和璞

府君有孝行蚤卒公追傷之至老不替嘗攜孫發傳

至冢上指示曰此我之胞兄若之伯祖父也孝而無

子若好讀書他日能成立當爲立大碑歲時祭埽如

我在時言未竟輒嗚咽涕下不自己中年家益貧常  
客於外每爲詩多懷母思弟之作其詞悽愴讀者悲  
之爲人忠厚簡默工書法有時名少補增廣生恆以  
授徒自給其教人勤勤不倦多語以忠孝廉節事與  
人交好面斥人過而退無雌黃治家寬而有法雖戚  
獲未嘗加暴戾語每曰彼亦人子也何多求焉雍正  
四年卒年七十有五以仲子官贈修職郎江南句容  
縣縣丞子二良驥任縣教諭麟超江南婁縣縣丞  
仍孫耕心曰公口無擇言身無擇行鄉閭稱君子無  
異詞雖畢生不遇所以爲子孫法者百世猶在也烏

正定王氏家傳二

九

呼懿哉

附學生十二世從祖和璞公家傳  
公姓王氏諱珪字和璞直隸眞定人考太初江南石  
埭縣知縣公才識明敏狀貌清臞所爲詩如古磴幽  
泉風林秋籟有超然清肅之氣康熙初石埭府君以  
被劫奪官復糾訟獄留滯不得歸公時方里居聞之  
大戚毅然首途省府君於安慶府君大悅府君旣去  
官橐無餘資公侍於旅次外謀饘粥內視寢膳凡營  
貸之艱風濤之險世態之翻覆人情之變詐莫不身  
嬰其困暇復從府君出坐江濱諮經史廣倡詠府君

益大慰而公以勞瘁故遂不可支矣七年得北歸以  
逋累山積毀聽事以償尤抑鬱不自得遂成疾至八  
年卒公既卒石埭府君每念之輒流涕公年十六補  
附學生十七之江南二十歸里又一年終年二十有  
一配梁氏後公數月卒無子

八世從孫耕心曰公有雋才且以篤孝稱而享年不  
永君子悲之然忠不必信孝不必愛公所得於父母  
者如此奚恫焉若漆園所悼乃人生之至不幸爾  
恩貢生十二世從祖文懿公家傳  
公姓王氏諱珩字瑤全自號梅谷居士直隸真定人

正定王氏家傳二

十

考太初江南石埭縣知縣公天資英敏讀書十行竝  
下日記數千言總角爲詩能驚其長老既長博通載  
籍善屬文同縣梁公清標見所作輒歎爲不易才所  
爲古文詞賦以歲爲紀總名因閒集幾二百卷藏於  
家少補附學生晚充恩貢生每試不遇竟以落拓終  
爲人行誼修飭時推端人正士家居教授所成就宗  
族子弟甚眾及卒鄉黨私謚曰文懿先生公尤好藏  
書自少至老訪求不倦所積至數萬卷河朔圖書之  
富殆罕其儷卒年六十有五時康熙五十八年也子  
二聿鵬附學生次榮駒

八世從孫耕心曰吾宗著述之富推公第一以未嘗  
槩行今遂無一字存者惜哉大河以北不屑以文章  
自見或爲詩文多不入格間有作者崛起亦無詞者  
吾縣文章耆宿如蘇伯修氏鄰縣如王從之氏士大  
夫莫能舉其名求其集至無馭可覆則他可知矣苟  
子曰蓬生麻中不扶自直若蓬麻易地其勢可知然  
則公之著述就湮固其所也非不幸也

廣西右布政使十二世族祖止庵公家傳

公姓王氏諱原膺字安之號止庵直隸眞定人考鍾  
龐太常寺卿贈通政使司通政使順治初公繇恩貢

正定王氏家傳二

二

生授內閣中書舍人三年和碩肅武親王豪格以靖  
遠大將軍征四川公充行營從官張獻忠伏誅王命  
公署按察使司副使分巡川北道再署布政使司右  
參議管左布政使事旋實授右參議仍署左布政使  
當是時四川以大亂之後有田無稼有官無民且軍  
政旁午拮据萬端咸萃於一王知公才倚如左右手  
公乃議城守定經費開屯田貸牛種規復鹽政采買  
米豆勞來流亡招撫僞將分別行閒功罪莫不殫心  
區畫次第舉行每與王造膝籌度未嘗不稱善奏入  
輒報可已而王進軍川南公獨留守保甯賊帥張顯

者猶負固不服聚眾四掠公數諭以禍福招之降顯  
不從旣乃列陣錦屏山遣騎來報須公親至營乃肯  
降公欲往僚佐皆諫公不聽竟與副將嚴自明率數  
騎往賊盛陳兵衛露刃相環公不爲動賊見公乃拜  
且泣曰公至誠待人如此吾屬無患矣公復從容說  
以大義賊遂解甲降繇是恩信大著無何巡撫王遵  
坦卒公方臥病軍士輒大譁諸將手巡撫印直造公  
臥內曰非公莫能當此任願受此我輩且共請諸朝  
公大驚蹶然起曰吾受國厚恩若跋扈至此將何  
爲立揮諸將退封印歸庫而力疾出巡城軍民見之

正定王氏家傳二

十三

喜曰王公無恙吾屬何憂於是內外宴然狡黠者皆  
不得逞時大憝雖除蛾賊競起獻忠餘黨孫可望李  
定國劉文秀等踞川南寇掠九府五州諸將帥不  
可勝數文武吏皆就糧保甯歲又大饑斗米十餘金  
道殣相望公外接驕將內籌軍實委曲調劑補衣疏  
食與吏卒同甘苦案牘無徵胥史不備則口授指畫  
臨機肆應枕戈臥甲者凡二年羣盜乃平秦蜀之路  
始通時諸將東西征討大小數百戰以糧餉不匱得  
奏功者皆公爲之經畫轉輸也軍務稍定初舉鄉試  
於保甯公充提調官主考已至復聞寇警士子大駭



且散去公謂人材可惜不當以倉卒墮鉅典乃與巡按御史郝公浴力督士子入闈示以鎮定闡甫徹賊渠劉文秀已疾走近郊矣賊眾號稱十萬烽火燭天金鼓聲聞數十里至則登山臨嘉陵江俯瞰城中揚言曰若好爲我炊我且入城朝食城中大震公與撫按料丁壯治戰具竭力守禦晝夜不懈及故平西王吳三桂援兵至公謂巡撫李公國英曰我兵少非出奇不能制勝巡撫然之乃與援兵分出北東門援兵人人殊死戰府亦益爲疑兵繼其後夾擊之遂大捷殲賊無算文秀遁去危城乃全時順治九年也捷聞

加一級仍繇參議擢陝西按察使司副使整飭榆林兵備道莅榆林數月護理陝西巡撫踰年遷河南布政使司參政分守大梁道奉檄治河於外不一年工成就遷按察使以父喪歸服除再授福建按察使時福建以海寇鄭氏之亂多大獄而總督李忠襄公率泰方持威重見者凜若負霜公治獄多所平反忠襄或難之公輒力爭牘至三四上忠襄察其誠皆曲從全活者且數百人公嘗謂同里何給事澄曰凡爲刑官不可不讀雋不疑傳先大夫之訓也以故所治獄非大故皆不以苛擊爲能而給事亦歎服其言稱爲

仁人按察福建三年遷廣西右布政使凡提調文武鄉試者七造計典者四眾論咸服康熙六年謝病歸九年卒年五十有三詔賜祭葬入祀河南福建廣西三省名宦祠公長不踰中人而須髯戟張儀觀偉然爲人樂易慈惠與人無忤在四川七年上下輯睦民尤戴之不忘遷榆林時以前所貸民間牛種未繳不得行父老聞之曰吾儕非王公無以有今日安忍以此累公不三日所負悉完初至福建李忠襄見公狀貌疑爲武健吏旣察其廉平乃戲謂公曰吾向者以皮相幾失之子矣少有至性事祖妣許太夫人繼

妣邵太夫人皆能得歡心通政府君嘗遭難公竭力拯之得無恙友愛少弟終身無閒門以內熙熙如也少立功名於崎嶇榛莽之際而清操卓然不可以私干護陝西巡撫時有庫羨萬餘金亦不取及家居口不言功蒔花種竹陶陶竟日被服無異寒素見者不知其故監司也著述無考惟蜀中案牘文一卷猶存子榮恩兵部車駕司郎中外擢南康府知府

八世族孫耕心曰故記有言公年二十餘以奇計脫父難而同難者亦以牽連得解誼貫金石矣在四川七年闢草萊勤撫綏所處有非人所能堪者故雖以

功名終而享年不及耆壽蓋心力爲已竭矣耕心竊謂忠誠孝友公旣兼得之雖乏壽考公亦何憾若心期不朽復欲以暇豫求之此必不可得之數豈志士仁人所欲聞哉

福州府知府十二世族祖柏崖公家傳

公姓王氏諱原直字子諒號柏崖直隸眞定人考鍾龐太常寺卿贈通政使司通政使公繇廕生授太常寺典簿外擢浙江甯波府同知福建福州府知府在官以清介著倦倦慈惠視民間疾苦如芒刺在背必拔而嗅咻之乃已故所至治功赫然民戴之如慈父

正定王氏家傳一

五

母康熙二十九年公知福州六年矣有己革知縣孫鏞者以侵蝕庫款控巡撫布政使於京師詔遣郎中吳爾泰審理爾泰至拘巡撫布政使公亦以株連被逮方解任民大駭罷市三日數萬人不期而集呼號投牒諸大府爲公辯復有五人裸體面縛銜白刃願以頸血灑地以白公寃而照磨田玉璽者亦投狀自陳請代公繫獄浙閩總督與公永朝以爾泰審理狀上聞

聖祖矜之別簡內閣學士郭公世隆覆訊郭公至公事立白仍命復任民大悅鼓吹旌旗迎公歸署夜

二更炷香於鼎酌酒相慶張鏗達旦士女鼓舞雜遝如元節焉蓋公知福州威惠尤著故功德浹於民心者如此初官甯波時海禁始開兼權稅務商舶出入例有規費公於正稅外纖毫無所取商旅遂大集及莅福州值耿精忠亂後民生凋劫公撫字多術民獲蘇醒府治河西民舍先爲耿氏所據耿氏滅復扼於豪強民多露處時奉旨以屋還民而奉行者輒畏憚不敢前公獨竭力與抗一椽一瓦悉歸業主兼井之患乃絕福清誤報升科多無田之賦民不堪累率逃亡公力請於上官親赴縣履畝清丈盡得田數

虛實大府據情入告浮糧萬餘緡皆豁免豪紳葉氏者家巨富久爲鄉黨害吏按問輒以賄免公至有發其事者葉用舊術將投暮夜金公大怒立按其罪得詐害事十餘款劾治不少貸害遂除民尤歌誦之民間浮慕節義凡已聘未昏之女其夫死皆迫使自裁無知幼女則親屬手殺之俱以節烈聞公知其弊爲設厲禁俗漸革全活者甚眾他善政皆此類也三十年卒於官年四十有二公天性孝友度量豁如母邵夫人自甯波歸里渡江至梁湖夜已深而梁湖有虎患公左執火右扶輿步衛十餘里至邸舍乃止從子

以官事斥公中產二萬金或以爲言公坦然無所問  
其處戚友語人如恐傷施濟無所吝在浙江時嘗署  
奉化象山等縣知縣徵糧不取耗羨官兵以數千人  
過境亦以一身當其責不取民間一錢故卒後逋累  
頗鉅賴同里梁大學士清標力拯之得無恙而家計  
亦絀矣子六榮登翰林院孔目榮賜山東萊州府知  
府榮遵考授縣丞榮綸考授州同榮命四川邛州知  
州榮增考授縣丞

八世族孫耕心曰漢氏良二千石名在百世後之守  
土者每自以爲不可及而公之得於閩人者如此蓋

不知其果何如也公歿後閩人相傳爲彼土城隍神  
此固不足爲典要然同治閒耕心客福州鄉士大夫  
猶有知公遺事者復不知龔黃輩所得於潁川渤海  
者又何如若古今不相及之說則確知有不足信者  
孫知縣上控事初於公無涉也及吳爾泰刑訊巡撫  
必欲巡撫攀公乃以備質解任非郭公至公之寃且  
不得白迄今民牒猶在可按也此其事蓋與張清恪  
陳恪勤諸公無少異烏呼非

聖祖如天之仁明察萬里外下民之呼號雖切於公  
之艱危奚補焉 聖朝政治之隆遠軼前代蓋如此

以是知循良奏效尤在朝廷知人孟水之說誠古今  
通論哉

正定王氏家傳二

六

獸論楚

正定王氏家傳卷第二竟  
孟水之說誠古今

正定王氏家傳卷第三

婁縣縣丞十三世祖厚庵公家傳

公姓王氏諱麟超字仁趾號厚庵直隸正定人考瓚增廣生公繇雍正己酉拔貢生授江南句容縣縣丞以母憂歸服除再授江南松江府福泉縣縣丞缺裁調婁縣縣丞歷署金山上海甘泉長洲震澤興化婁縣知縣居家在官以孝以勤尤長吏治故江蘇巡撫陳公大受及長白安甯公皆知公爲人赴甘泉時陳公謂曰此腥羶地惟君之清操足以滌之震澤缺出

正定王氏家傳三

一

安公曰舍王某無可任者其見重如此然累荷推薦輒以事阻不得遷竟以佐縣終公慕古循良認認自持每值危險皆以意外獲濟嘗僦居震澤鄰火及蕘勢不得出乃朝服告天忽火光中有白鸚鵡反風滅火火截然止奉檄輓庫綱渡黃河中流暴風裂帆百口震號俄覩金容炳煜致分風斷流之異乃手繪觀世音菩薩妙相報再生德又以赴河南采買雜糧部議核減糧價應賠者幾二千金無以爲計且失官布政使郭公一裕以爲大戚委曲代籌竟得具償所虧名賴以全公感之不忘於家設長生位歲時禮敬之

其篤誠如此公狀貌朗秀有出塵之表書畫皆高潔絕俗而畫尤工時以爲倪元鎮之匹有得其縑素者輒珍襲如拱璧焉乾隆三十六年卒年八十有二子三發位平鄉縣學訓導發傳乾隆戊子科舉人發信附貢生

任縣教諭十三世從祖蘅皋公家傳

正定王氏家傳三

二

公姓王氏諱良驥字逢伯號蘅皋直隸正定人考瓚增廣生公繇恩貢生授任縣儒學教諭幼有奇慧讀書過目成誦而力學不倦操筆爲文數千言立就嘗作倚馬賦以自況其言票姚拔俗蓋實錄云年十一補附學生八十餘始官教諭在官數年謝病歸又數年乃終年九十有二時乾隆三十年也公壯歲困於生計恆出游足迹半天下及告歸乃擁衾誦書據枕高詠閉門習靜不復與世俗接平生傲然自得不可一世稟氣甚厚不畏疾病不憚寒暑臨終神明不衰



自爲輓詞猶欽奇豪邁無佗僚意烏呼古所謂有道之士公殆其流亞矣箸有蘅皋文集數十卷藏於家子二發甲廩膳生次發肇五七世從孫耕心曰公方總角應督學試學使見所爲文效韓尙書葵喜曰若童子亦知有慕廬先生邪學使又曰視學畿輔目中殊眇佳士惟得兩娃子差強人意是二子者他日所造皆未可量一謂宛平黃先生叔琳其一則公也公後隕於有司畢生不遇年登大耋僅以校官終以視黃先生榮瘁懸絕矣然道誼文章無愧先哲所著圖銘纂義以示從子者判別理

正定王氏家傳三

三

欲諳諳垂戒以子弟不能聞道引爲己憂則公之所獲亦可知己其傲然自得蓋皆出於集義之誠非弟以才智加人若畸人逸士之所爲已也

孝子十三世族祖少梅公家傳

公姓王氏諱榮紳直隸真定人字不傳以考字羹梅後稱少梅公考原膳母張氏公少失學而天性敦篤事母以純孝稱母所需雖稱貸必適其意值風雪跬步不離側母起行輒左右扶掖懼顛仆也夜嚴寒必爲母溫手足視母寢乃敢退壯年不娶有爲謀室者公曰奉母不暇敢恤其他有永固富人張氏者慕敬

之欲妻以女公曰吾兩弟皆有子吾安事此且女之賢愚不可知如驕蹇柰老母何卒謝之或嗤其愚弗顧也迨母卒哀毀骨立鄉黨感其孝會弔者累千人公卒於康熙閒以未娶竟不立後

七世族孫耕心曰公之孝至矣哉雖坊表無聞天爵之貴自若也世有慕妻子不顧父母之養者可以觀矣

南康府知府十三世族祖奕臣公家傳

公姓王氏諱榮恩字奕臣直隸眞定人考原廬廣西右布政使公繇廕生授太常寺典簿遷兵部職方司

正定王氏家傳三

四

督捕主事武選司員外郎車駕司郎中天性仁惠恢恢有大度好施濟揮千金無吝色治家莅政忠厚藹如當時賢哲皆以爲仁人君子官督捕時旗下逃人之例甚嚴有發覺輒累及無辜公按之一決以國家憲典每有株連皆委曲爲圖解釋保全者甚眾嘗被命監督甯波府關稅前督稅務者公叔父柏崖府君也先是海禁初開柏崖府君以甯波同知兼稅務嚴定規條盡塞弊竇多惠政公至一守其故約無所變易商旅頌之繇是甯海榷政爲諸道冠皆公有以成之也眞定申甲者攜妻游京師以困故誤鬻身

於豪強主人豔其妻欲犯之婦不可則日加捶楚且囚其夫婦皆危甚公聞之惻然乃挈金謁主人請贖且詭曰此吾瓜葛親也主人拒不納公憤然曰若謀占人妻我皆知狀如不聽我贖我且以若劣款上聞主人懼乃聽贖申氏夫婦以是得歸里既歸值朔望必造公門焚香稽首去如是者幾三十年公年四十無子母李夫人方家居爲買汪氏女將送京師爲公妾汪有兄狡人也既得身價復誘其女弟歸距不令出而日銜白刃踵公門聲言壓良爲賤將判刃以甘心知府聞之怒逮汪去欲繩以法公遣知府書曰彼不欲強之無益也且無子命也豈必汪氏之宜男人與價兩皆不取竟爲解於知府罷其獄公之抑情以息事皆此類也其居家孝友純篤惠及三黨性坦易無詰屈與人交如飲醕醴醴如也家有大喪輒獨任其艱祖妣有遺產則讓之叔母曰此先人志也宗戚有婚喪不克舉家室不足贍功名不得進取者輒就公謀公皆有以紓其困所周恤至不勝計而終其身無倦色尤不可及云官京師時每值春秋試期必先賃大宅庀食飲入闈之需纖悉畢具鄉黨應試者至則偃僂以待俾入居之居之無所乏識不識亦無

所問至者如歸焉康熙三十三年外擢廣西柳州府知府以祖妣喪不及任服除再授江西南康府知府復以病辭不赴後客陝西卒於客邸遠近聞之莫不咨嗟涕下卒年五十有四康熙四十二年也公吏材英爽尤稔掌故於舊文新例口講指畫纍纍如貫珠寶坻杜文端公立德最推獎之九卿嘗以廉能薦詔加二級在官能舉其職於家能振其宗而尤以盛德著旣歿數十年宗黨猶欽慕不真云公歿後妾文氏以守志撫孤 詔賜旌表入祀節孝祠子發善繼室許恭人出文所撫以成立者也以舉人官四川中

正定王氏家傳三

六

江縣知縣

七世族孫耕心曰福善禍淫造化之大權也大權苟失何以爲造化而太史公箸夷齊傳乃以是非疑天道何也公以盛德名世而不逮壽考以歿君子悼焉然無子而有子棄一妾而獲賢妾天之所以償之者旣已豐矧復永以後世令名哉古今得失大氏例此此蓋不待稽之先佛氏之說而天道之有無已昭然可見然則夷齊高名旣超然於泰山喬嶽上而太史公猶以流俗之安危斟之陋可知已夫太史公以文章之伯上論天道其疏也固宜而數千百年來猶有

襲其說而不知變者豈不異哉烏呼慎矣  
翰林院孔目十三世族祖瀛一公家傳

公姓王氏諱榮登字瀛一直隸正定人考原直福建  
福州府知府公繇附貢生授翰林院孔目以冢子官  
贈文林郎廣東樂昌縣知縣少有材藝能爲制舉文  
旣丁福州府君憂以冢子總家政不復出仕性孝友  
廣交遊慷慨尙義家議析產獨取瘠田餘悉以讓諸  
弟諸弟妹婚嫁輒經營盡力母夫人慰焉福州府君  
虧官帑二千金亦以一人肩其任不以累人人有急  
難或以資助或以力解無傲言無德色好賓客讌會

正定王氏家傳三

七

無虛日家居數十年自大吏以下皆敬其爲人其卒  
也鄉黨莫不垂涕所著曰開蒙集若干卷卒時年六  
十雍正三年也子四發枝廣東樂昌縣知縣發桂江  
南海州州判發鼇國子監生出嗣爲仲弟後發槐雲  
南元江州吏目

七世族孫耕心曰公所爲與閉戶自守者殊絕蓋得  
於庭訓者深矣公能象賢後亦有象賢之子孰謂天  
道之無知哉

萊州府知府十三世族祖樗庵公家傳

公姓王氏諱榮賜字履臣號樗庵直隸正定人考原

直福建福州府知府公繇康熙丙子舉人授河南新鄉縣知縣擢陝州直隸州知州累署汲淇輝獲嘉柘城縣知縣少時家居教授善獎勵所成就子弟人材甚眾爲治清靜仁惠軫恤民隱張弛得宜知新鄉時值黃河北決新鄉例出民夫三千畝皆自具民以爲苦公輒捐俸待之悉豁民累又以民夫勞瘁使三千人輪流供役民力大蘇植碑河上以頌德擢陝州入京覲時

世宗召見賜御書喜雨詩及數珠人篋諸珍異不三月特授山東萊州府知府蓋異數也萊州水澇

爲災公按部分振得振者數十萬戶侵蝕弊絕全活無筭府有土豪毒流一方爲時巨患公列款按治之民氣大和登州李鄉官者公同年生也方構訟於家聞公且移知登州先投書以千金餽公焚其書卻金不受時上官方以苛刻爲能客有請發其事者公曰以人之身家性命沽一己名非吾所忍爲卒不納或以爲拙亦不校也按察使唐公綏祖誣楊濟南知府金允彝受昌邑知縣袁登陞賄四百金密授公意指使周內成讞公研鞫再三察其枉以實白綏祖綏祖大憾而河東總督田端肅公文鏡公原薦大臣也時

將以病乞休恐綬祖中傷公再薦公以部郎內用公乃致仕歸歸時囊橐蕭然幾無以戒行李或釀金贈道塗費亦不受士民送至百里外猶不忍去其得民心如此公爲人律已甚嚴而沖和樂易表裏洞然人皆敬之好爲詩工書詩學陸務觀氏書學蘇子瞻氏皆能得其神似歸後未幾卒於家年六十有二時雍正九年也繼嗣子發鼇國子監生

正定王氏家傳三

九

寵之倫亦徒爲小人而已豈弟君子求福不回公實有焉

處州府知府十三世族祖澂齋公家傳

公姓王氏諱榮勣字丕公號澂齋亦號立亭直隸正定人考原讓增廣生公繇雍正乙卯舉人効力北河補霸州淀河州同擢子牙河通判以憂歸服闋補薊州運河通判遷永定河石景山同知累署延慶遵化州知州順天西路及天津府同知再遷雲南廣西府知府廣西缺裁詔以知府銜仍留石景山任越一年調北岸同知公少有經世略尤長河務故大學士

直隸總督高文定公斌最知公乾隆十一年畿輔大興水利遂以文定薦留工効力及補官修防精勤愼惜經費所至工輒安堵故總督方恪敏公觀承知公賢尤敬禮之累任親民官善決疑獄不以刑威民而民亦安之三十八年

高宗親巡永定河嘉公廉能賜御書齋額

詩及貂皮表裏嗣是

數也四十一年授浙江處州府知府處州在萬山中民貧地瘠俗樸而好鬪公爲政勤於教化每以敦孝弟勤稼穡爲勸嘗曰吾心樂平恕殘忍之法非所願

正定王氏家傳三

聞也麗水有堰及閘蓄水啟閉灌田數千頃爲縣大利時舊迹久湮前知府欲修復之未果公至卒成之旱災以免學宮傾圮復新之以振文教處州久無傾鄉薦者至是中式者數人不三年政通人和民大稱便公少勤學問博通經史公暇輒手一編寒暑不渝尤善易理數之說窮源竟委莫測涯涘工諸體書於今體隸書最好李北海嘗臨有道碑鐫諸石識者謂北海真迹無以加也性篤孝事二親能視聽於形聲之表少有忤色輒長跪以謝色愉乃起其處昆弟僚友以恩以敬終身無閒識與不識皆以爲盛德君子



焉四十三年卒於官年六十有二著有周易觀象永  
定河志澂齋詩集各若干卷子四發椿從九品發繁  
山西文水縣知縣發楠永清縣學教諭發櫟出嗣爲  
季弟後

七世族孫耕心曰公無講學名而修身莅政無愧先  
儒敦樸之風奚加焉申公曰爲政不在多言願力行  
何如耳蓋道誼之實莫不以力行爲的不獨爲政一  
端而已彼以言爲尙者烏知力行之不可襲取哉  
臺灣鎮左營參將十三世族祖子聘公家傳

公姓王氏諱榮遴字子聘直隸真定人考原悠公繇

正定王氏家傳三

十一

行伍授武職以從征新河逆匪手斬僞將軍劉可大  
敘功加三等超擢都司僉書管江西贛州營中軍守  
備事累遷福建泉州營游擊臺灣鎮左營參將康熙  
三十五年卒年六十有一少時豪邁自喜不事詩書  
自通道義友愛兩弟使皆發名成業宗黨稱之官贛  
州時有諸生孫氏僕越城宵遁爲吏所獲孫氏富甲  
一鄉聞之大恐使人乞恩且持八百金爲壽公曰此  
小事何須爾力辭不受次日薄責其僕而遣之孫氏  
大感悅其持身矚然皆此類贛州臺灣皆爲建生祠  
肖像以祀而在贛十五年遺愛尤著居恆曰甯使子

孫受窮勿爲父母爭罵烏呼此可以概公平生矣繼嗣子一曰綱晚生子二曰緯曰紀皆國子監生緯以詞翰知名

七世族孫耕心曰竹素無毒而不善用之每罹其毒非竹素之罪也人之罪也古今名將得天者厚往往不解文字而履忠蹈義轉非腐儒所及何哉非毒之毒亦無絲浼超然自全其天焉而已如公者亦其倫也

正定王氏家傳三

十三

表亦無繇竟敢悉自全其天孰而曰暇公者亦其倫不雜文字而履忠蹈義轉非腐儒所及何哉非毒之毒亦無絲浼超然自全其天焉而已如公者亦其倫也

正定王氏家傳卷第三竟平此百因謝公平坐笑

正定王氏家傳卷第四

弟十九世裔孫耕心著

贈通議大夫兩淮鹽運使太高祖廓亭公家傳

公姓王氏諱發傳字築巖號廓亭直隸正定人考麟超江南婁縣縣丞公繇拔貢生中乾隆戊子科舉人以冢孫貴贈通議大夫兩淮鹽運使少勤學問務撰述尤工制舉文性嗜典籍如大欲所存脩脯所入輒以購書林列萬餘卷寒以被體飢以飴口自少至老未嘗一日去書不觀也每展卷輒欣然忘食家人請饌至再三或不聞手錄經史百家書至千餘卷考訂

正定王氏家傳四

一

評騭者至數百卷匡謬導窾學者咸推重焉壯歲後教授於鄉者垂數十年遠近慕嚮執贄者踵相接其訓後進子弟肫肫懇到反復千萬言聞者爲春然心開懽然意解所教士自補諸生中鄉試及登上弟者至百數十人凡鄉人之工舉業能文章通道義倜然有以異於凡俗者不問皆知爲廓亭弟子也故正定諸州縣僂計陶鑄人材誘進後學者皆以公爲第一人公家承儒素僅具中人產而仁義藹如施濟無所吝戚黨中若舅氏若姨氏及女弟之孤嫠無倚者或周其急或贍其家惟力是量惓惓如也日積米於甕

以待施謂之義。凡宗族有婚喪不贍者，皆取給焉。行之幾二十年，無怠志。而公之自奉，乃無所不用其簡意。蓋謂自典籍外，有無皆不足論也。晚年闢一廛，蒔花種菜，命曰頤園。日與羣弟子論文，其間意陶然樂之。或以公車爲勸，輒笑不應。如是者，且十年。乃終年七十有五時，乾隆之五十一年也。公旣卒，遠近聞之，莫不嗟歎曰：吾鄉文教，其遂衰乎？而自公卒後，能繼其軌者，實無聞焉。烏呼！蓋其難也。所著曰：廓亭文集、詩集、廓亭漫紀，及王氏家乘各若干卷，藏於家。子正準，饒陽縣學教諭。

來孫耕心曰：公嘗有言，近世之師有三品，而舉主座主不與焉。三品者：道誼師、文學師、舉業師也。道誼不世出，文學不多覲，惟舉業之師偏天下。故論者忽之意，若無足重輕，然而不知其誠進於道實兼三師之任，而一之得失所在，胡可輕也。所言如此，故公之教人來者，雖以舉業問，公必溯而上之，極於道誼，而後已。聽者雖厭倦，教者未嘗厭倦也。以是高足弟子所成就者，往往在科弟之外。是則據一兼三之效，公旣言之，亦允蹈之。鄉校之師，苟知效法爲益於天下，人材豈淺鮮哉。雖然，唯先知乃覺，後知唯先覺乃覺，後

覺若號爲人師而舉業之外無聞焉則風痺不知痛  
癢貽誤英髦必在斯人悠悠之論奚繇弭哉此小子  
耕心所以釋公之言而慨然太息也

樂昌縣知縣十四世族祖眉庵公家傳

公姓王氏諱發枝字南玉號眉庵晚號無垢道人直  
隸正定人考榮登翰林院孔目公繇雍正甲辰舉人  
授廣東樂昌縣知縣吏材精敏而爲政主教化不尙  
威刑縣人頌焉年四十謝病歸家居二十年卒年六  
十時乾隆二十五年也公天才敏瞻每操觚纒纒千  
言倚馬可待有口辯善詼諧或涉紛難輒以一言解

正定王氏家傳四

三

稠人廣坐偶出俳語莫不絕倒凡宴集有公在則四  
筵歡忭時以方陳孟公云天性孝友事父母獨任艱  
鉅不以累諸弟晚好釋氏學戒殺放生仁而愛人交  
游敬慕鄉黨稱善人及卒僮夫走卒皆悼惜之其感  
人如此繼嗣子正書福建侯官縣典史

六世族孫耕心曰出世之道尙已公所學雖不知於  
體用何如而旣孝旣仁感被閭里溯其流風洵豪傑  
之士哉

海州州判十四世族祖香巖公家傳

公姓王氏諱發桂字香巖直隸正定人考榮登翰林

院孔目公繇乾隆辛酉拔貢生授江南溧陽縣縣丞  
調上元縣縣丞擢海州直隸州州判少勤學工爲詩  
治身在官咸整肅有法度嘗勘災桃源同事者皆以  
不謹聞公獨課最巡海州村社見山岷疑爲盜陰捕  
以俟不半月郟城符至稟以去果劫盜也居平有通  
識嘗謂同學曰人在世當與天爭時與地爭利而不  
可與人爭財天地至仁每儲其精以待用不患人爭  
也若人之財惟此數此優彼絀則利害險巇皆出焉  
險巇見身乃危矣天地願人爭而人不與天地爭人  
患人爭而人獨好與人爭此大愚也聞者以爲名言

正定王氏家傳四

四

乾隆三十一年卒於官年五十有九子正悅浙江定  
海縣知縣

六世族孫耕心曰不爭之爭所爭乃大公所謂爭非  
惟天道所甚願抑亦先祖所日望其子孫者也乃言  
者諄諄而聽者之揖讓不前如故噫嘻惜哉

饒陽縣教諭高祖漁湖公家傳

公姓王氏諱正準字景萊號漁湖直隸正定人考發  
傳乾隆戊子科舉人是爲廓亭府君府君家居教授  
數十年最以陶冶人材名當世公少聞庭訓通舉業  
文旣長佐府君授生徒亦知名乾隆五十一年夏四

月府君捐館舍公以哀毀致疾及六月朔亦下世年五十矣公繇乾隆乙酉拔貢生中戊子科副榜充正藍旗官學教習授饒陽縣學教諭以冢子官贈通議大夫兩淮鹽運使子三定柱浙江按察使定枚蚤世定樞嘉慶癸酉科舉人授鞏昌縣令

元孫耕心曰廓亭府君教授於家公佐其勸府君中鄉試公副其榜府君卒公竟以哀毀殉公之孝無間然矣而所歷無弗同尤異數云

盧龍縣訓導十五世族祖均庵公家傳

正定王氏家傳四

五

麟超江南婁縣縣丞考發信字田叔附貢生少隨婁縣府君宦江南服勞無違多所翼贊能爲詩著有世德堂集若干卷公性純篤言笑不妄發處昆弟閒雍雍怡怡無私財無忤色及家議析箸不競資產惟人所與雖絀於生計而好周人急傾倒無所吝尤熟先世掌故每薄醉輒爲子姓輩稱述祖宗功德齒齒鑿鑿皆足以資觀感益見聞少有儁才治經史務窮其蹟著述最富高可隱人皆手自校寫無分任也工爲舉業文而試輒不遇晚繇歲貢生授盧龍縣學訓導非所好也後客朱福屯所箸書爲夜客攫去大索踰

年始得之敗井中則已泥漉不可辨矣竟以是惘惘  
致疾卒年七十實嘉慶之十五年也子三定宏附學  
生定寓增廣生次定宣五世族孫耕心曰著述之顯晦殆有數存然修能如  
公轉以所獲爲賤生之具彌可哀矣外物不可必莊  
生之論微矣哉

贈文林郎夏縣知縣曾王父卜臣公家傳

公姓王氏諱定枚字卜臣直隸正定人考正準饒陽  
縣學教諭公天資異敏年十二徧誦六經四子書時  
以意抗論傳記得失輒中銖兩長老皆驚歎性摯孝

正定王氏家傳四

六

饒陽府君卒哀毀如成人妣魏太淑人每督稼於別  
業公常從晝之隴上課耕耨視井漑洎暮歸則爲太  
淑人作孺子戲或雜說俚俗可哂事以博太淑人一  
開顏太淑人雖嚴毅亦欣然也又數年太淑人有疾  
多憂善恚怒必公昆弟皆在側意乃少解一人不在  
輒不喜公乃日挾一冊置榻畔俟太淑人寐則下聲  
讀之或盡三四卷太淑人稍欠伸輒趨枕下問痾癢  
進食飲太淑人病益進或以杖誤擊公至血流公復  
自引杖再三擊蓋懼傷太淑人意也太淑人卒公毀  
瘠如執父喪時繇是神惘惘體貌異常時而公不自



知其痛之深也公昆弟三人公次第二兄爲椒園府君定柱弟爲星垣府君定樞公處昆弟閒天真盎然友愛敦至而事兄嫂尤有禮無傲言無惰容怡怡如也歲有秋椒園府君將親視稼公以府君病請代往府君授以制舉文三百首使自課五日而歸所部署及摘發個人欺詐事皆井井詢所挈文皆已成誦且能析其命意之所在公旣卒椒園府君每念之輒流涕蓋悼之者深矣公之卒年甫十九時乾隆五十七年也公孝友天授尤有音量好爲詩多奇語視稼別業時爲先考妣設主於案寢食必在側以憂居不及

應督學試每懼無以荅先志恆鬱鬱及病革猶自詫曰日且暮吾文未及成柰何故其卒也椒園府君爲私諡曰孝友童儒烏呼所以哀之者尤切矣道光中以兄子官贈文林郎山西夏縣知縣配馬氏苦節撫孤後公三十年卒繼嗣子世永附學生

曾孫耕心曰椒園府君友愛諸弟諸弟亦皆有至性篤孝弟故家庭之內藹若春和鄰里皆羨之當是時椒園府君將赴官而公年尤長能向學知家政矣故公卒椒園府君哀尤甚每曰家運就衰乃使卜臣天絕烏呼公之爲人抑可知已公雖蚤世而以身教子

孫者已篤設充其量雖爲命世之儒焉亦可乃竟不克竟其志則命爲之梗也悲夫

浙江按察使本生曾王父椒園公家傳

公姓王氏諱定柱字靖擎亦字敦安號椒園直隸正定人考正準饒陽縣學教諭公繇乾隆丁酉舉人庚戌進士授雲南師宗縣知縣調麗江擢普洱府他郎通判思茅同知累署黑鹽井提舉鎮沅州知州普洱永昌開化府知府

宣宗踐阼知公名繇雲南同知 特授四川成都府

知府故太子太傅大學士襄平蔣公攸銛嘗爲雲南

正定王氏家傳四

八

布政使知公最深亦薦公爲雲南貴州兩行省循吏第一故

上眷益隆洊位監司遂以循良名天下公爲政原本道誼所在興利除弊孳孳不倦清介絕俗超然無浼而惠猛兼濟尤能力任艱鉅無所屈撓黑鹽井夙稱膏腴公悉裁陋規以恤商竈凡爲井病者皆竭力爲籌萬全修書院增膏火購書數千卷延名師主講席拔其士之秀者陶育之井大治及受代餽贖鉅萬悉不納送者皆涕下普洱有山產鹽狀類水精俗名石膏鹽工省價廉銷行最暢輸課外歲贏十萬緡率歸

於官而他屬鹽以額銷不足開參者無虛歲公至歎曰通省稅課有常額吾額課無絀足矣乃以利故爲他縣疲滯憂乎遂與商約但輸課足常額卽封井不許出鹽犯者懲之以此通省鹽皆得暢銷終公任諸州縣無以鹽課被論者自公提舉黑鹽井及守普洱者數年凡裁斥金錢二十餘萬而橐中實不名一錢尤爲人情所難夫人賈氏嘗從容謂公曰君之廉信矣乃獨不爲子孫計乎公笑曰是乃所以爲子孫計也鎮沅風俗強獷初以夷匪滋擾知州創團練以自衛久之練兵根柢蟠固不可解練首馬佑者自稱大

元帥聚其黨千餘人謀爲亂州人大恐公莅任密設方略壞其機牙遂獲佑按誅之境內宴然全活株連者九眾民銜感次骨爲建生祠歲時尸祝焉思茅據九龍江爲險最爲雲南邊境江以外獬夷所居歲與緬甸附庸戛于腊爲敵兵戈相尋時擾內地公示以朝廷威德且以誠意感格之獬夷遂奉約束無稱亂者知永昌時野夷方搆難公履行陣籌儲侍食息俱廢半年而後定及歲事以積勞故遭疾幾殆蓋公歷官雲南二十餘年所至皆課最然後得移知成都故其名尤著於梁益閒而瘁亦甚矣道光二年擢川

東兵備道七年晉山東鹽運使當是時山東鹽政久  
敝商力凋劫公盡除繁費重定章程力請於巡撫琦  
善公舉積弊而更張之東綱遂得復振居二年調兩  
淮鹽運使未赴授浙江按察使入 覲日

上溫諭有加禮且曰朕素知汝立志作好官非講升  
官發財者又曰惜不知汝年紀用汝太遲公退益感  
激思奮綜核庶獄必勤必敬越一年卒於位年七十  
時道光十年也公決獄有神解人莫測其所以然初  
知師宗時民以方包孝肅號稱王青天同知思茅時  
印藏匣中忽失所在公陽陽若不聞翼日乃蹕馬索

正定王氏家傳四

十

之夷峒中果得焉知成都時先有藩庫失銀案久不  
結繫累者數百人大府見公謙抑自下疑名實不相  
副使讞是獄以嘗之公乃盡閱諸囚審視其面忽擇  
一人專訊之果盜也不刑而服須臾而讞定都轉山  
東時巡撫琦公嘗檄治濟甯獄濟甯獄者兩造以爭  
產構大訟猝不解且家世皆貴顯厚資殖當其事者  
莫敢力爭故訟垂二十年不決公赴訊盡得其情乃  
折之以理咸允服無異辭凡十日而案結琦公尤歎  
異焉公少有異稟五歲能詩讀書經目成誦里中稱  
神童稍長有鄉塾師倡言今之佛老卽古之楊墨能

言距佛老然後得爲聖人徒公聞而大悅毅然以闢異端扶聖學爲己任遂日尋諸同志互以能詆佛相褒詡然實不知佛義云何也乾隆四十二年十七中鄉試初謁座主阿侍郎於京師侍郎曰子前路未可限顧僕一言相贈他日得志幸勿闢異端公愕問何謂也侍郎哂曰適見子勇形於色聊相規爾子誠欲闢異端試言異端何等公以佛老對侍郎曰孔孟時有楊墨無佛老以佛老爲楊墨乃後儒之言非孔孟之言也夫異端異其端也所謂端卽孟子惻隱羞惡四端是也苟其言不仁不義無禮無智乃爲楊墨

之弊若其言爲仁爲義爲禮爲智則非楊墨之弊也非徧觀其言烏能別乎今世士君子罕行孔孟之言惟以闢佛老張門戶以自鳴爲儒其下者病天堂地獄之說不便於己所爲亦姑詆之以紓其怖憚徒爲佛者所愍笑恐皆未必爲聖人徒也吾子自審之而已公聞之憮然退自省察乖謬益顯絲是意稍愧沮及歸則鄉塾詆佛諸儒儼然猶在以牽率故仍復推波助瀾餒弗爲衰五十一年里中大疫道殣如麻率以旬日不汗死公亦染疾至二十一日三震戰三不汗氣遂絕神厯房闈出衢中將適東嶽祠忽見西

來戈甲如雲人馬皆長尋丈問前驅者何爲荅曰關  
神武帝受勅征臺灣寇也俄見神武褰韃乘馬至神  
采熠然不可偪視乃當衢迎拜泣陳所苦顛乞庇宥  
一仰視則黼几已具神武袞冕秉圭東面垂拱厲聲  
叱曰若知罪乎若以先世積德籍注鄉薦後四年隨  
登辛丑進士弟福祿未艾不謂若自得舉後童昏無  
識忘先世功德自詡才雋多懷意惡黑籍等身且不  
覩二氏之書妄肆臆毀心無忌憚貌附聖賢尤犯天  
律所深惡游巡使者日有奏報髮不勝擢故上帝震  
怒初削科名今削壽籍且墮惡道豈吾所能垂祐乎

公聞之震慄喪魄崩角求活矢自湔洗良久神武色  
稍霽微頰首曰止姑觀汝後修公泥首敬謝再仰視  
則金容已杳乃皇恐趨歸入門厯榻呻而寤復覩眞  
官朱衣玉顏從兩童子擐簾入曰奉帝命來活汝童  
子登榻各手短杖擊公體擊頭頭汗擊胸胸汗至膝  
而止汗浹而病去明日遂能扶杖起以是激發深達  
天人之故不復敢以流俗自囿乃託言養痾掩關里  
中之隆興寺徧讀三藏教典凡數年豁然通其學於  
教觀一宗尤有心得嘗作訟過記原佛無智無得說  
罪福說無智無得說跋諸文以警後學誨子孫其說

宏深奧衍闡發心性之義甚備見者或不能盡通而無意自拔者尤不樂稱道云公少既有得於教乘於九流百家書益無所不闕故其學會通儒佛研求性命身體力行精進不懈泊以知縣起家遂以佛理飭吏治故所至多異政而至誠感人始終一軌當時流輩皆自以爲莫及其居家孝友篤摯尤爲鄉黨所宗仰無閒言也狀貌端毅風度凝然見者皆肅然敬慕五十後齋居修止觀者二十年其卒也玉箸瑩然下垂蓋其所養深矣所爲文樸屬典雅然非扶植道誼發揮心性不輕作也他若太乙壬遁卜筮醫藥及神

僂方技皆有師承窺其奧窔而終身未嘗輕以語人惟里居時卽家施診活人甚眾一時醫學爲之不變云所著書曰周易瑣箋大學臆古中庸臆測道德經注金剛般若波羅密經溯源金剛般若波羅密多心經淺說從政餘談六壬疏釋傷寒闢妄扶統錄鴻泥五錄黑鹽井志椒園詩贖椒園文贖各若干卷子三世耀山西汾陽縣知縣世永附學生出嗣爲仲弟後世瑞附學生出嗣爲季弟後其學會並書藏板曾孫耕心曰道光中公最以治勩名世而學術之淵源無知者所箸訟過記諸文覺世之意至切而見者

晉如也咸豐閒上元蕭先生文霍爲公傳精切博瞻深達本原然後公之學術治術同條共貫炳然大著於世而謗亦隨之蓋公之所以爲政在學術而公之所以爲學在釋氏釋氏之學適爲世所不及知故雖有高世之行兼善之美亦一切抑之若惟恐其說之明道之行焉及夷考其所以爲謗則與公少時之覆轍無以異烏呼流俗相嬗大惑難解亦可哀矣公初以誤於鄉塾詬諱十年雖聞阿公之誨猶不能止迨構疾委世見譴神明易死爲生然後收視反聽背塵合覺翻然一變其所爲而學以大成苟非夙根深厚

轉移者速固已沈淪於不可知之浩劫人亡而家亦隨之烏能澤施於世福衍於身且開不世出之絕學以慈及子孫哉烏呼絕續之原存亡之會雖不獨後嗣之大幸而凡爲子孫者上溯遺軌正其觀感固宜有悚然以懼悄然以悲者已耕心少聞家學意雜疑信後讀公遺書及阿氏蕭氏之所以先後公學者然後意有所寤二十後博求宗乘及諸儒之說乃深悉其得失所在於公之爲學遂亦融會貫通曉然無疑雖材質凡陋繩武未繇而入道有方已決去他岐之惑幸亦至矣今謹本之遺書及蕭氏舊說復爲公傳



雖不足窺測精微背馳之說庶幾已免後世子孫苟不至皆入妄庸或以此得啟其本有之良未可知也若禪那之眞淨土之奧性相之分合顯密之殊致生死之故邪正之辨下逮世論之所以爲異繁曠無方有不可以一端盡者或爲公說所已及或爲公說所未及則拾遺補闕尤賴後嗣哲人今耕心弟次公傳靡得而言且暮匪遠俟之而已

附學生王父琴舫公家傳

公姓王氏諱世永字仲恆號琴舫亦自署種蘅居士直隸正定人考定枚蚤劬本生考定柱浙江按察使

正定王氏家傳四

五

公少有材藝不意舉業文及補附學生惟一赴鄉試輒棄去不復措意能書好爲詩琴弈篆刻騎射樂律之屬靡不精妙晚好醫所治多驗而尤以畫名燕趙閒於山水篤好江東諸王而得意之作尤近石谷子賦性剛勁不能折節向人而事親事長無失禮妣馬孺人守志撫孤最愛憐公公亦孝養無閒孺人晚病風痺轉側需人或覆溺器於牀公以手捧之揮洒於庭無惰容方出游而家人議析箸及歸不問資產之得失輒退就所居無違言生十餘年卽從本生考椒園府君宦游西南所歷多名山水及家居以業齟折

閱復出游累歲月不得歸故雖侘傺無聊而足迹幾徧天下畫之工蓋得諸山川之助者爲多云咸豐四年七月卒年五十有八著有琴舫詩藁二卷藏於家子三蔭福江蘇候補知縣蔭祜兩淮候補鹽運使司經歷蔭祉附學生女蔭齡適聊城李氏咸豐十年以罵賊殉節於杭州

孫耕心曰公宅心質直孝弟無怍庶幾保世之祥矣道光中吾家顛而復起危而復安雖皆我祖妣傅太君楮柱之功亦公所以庇其子孫者有素非偶然也公以久客故譔錄無傳縑素散佚先世父及先考府君每以中更離亂不獲彀集爲憾今小子耕心學術荒陋且遠在二千里外手澤之遺不獲彀集者如故蓋不肖之責終莫繇逭矣悲夫

知州銜汾陽縣知縣從祖遠亭公家傳

公姓王氏諱世耀字鳳賓號遠亭直隸正定人考定柱浙江按察使公繇嘉慶癸酉科舉人道光壬午

恩科進士授山西壽陽縣知縣調夏縣再調汾陽累署臨汾安邑縣知縣汾州府張蘭鎮同知咸豐初以在籍守城功加知州銜少儼不拘小節旣而發憤向學學日進在官勤於其職尤善治盜所在盜不敢

暹有族人省公於治所方入境夜宿客邸見諸惡少習技於後圃技絕精懼而退主人出曰子毋然此屬亦吾客也問習技何爲荅曰不欺子此屬皆綠林之傑也特以縣主王公故姑引退聊習技以自遣耳有大府過境以供張不備詰責公有越分語公厲色規以禮大府輒自失使人謝過焉其抗直不阿又如此道光十年以父喪歸旋病失明不復出咸豐九年卒年七十有九公少有兼人稟晚以失明家居每暗誦諸經自娛大經十餘日小經三四日輒竟其卷後生學子莫及也江陰蔣春霖少客正定嘗從公假經典

注疏公獎勵之春霖曰此不足道客中適暇欲稍溫習耳公哂曰僕老且盲注若疏多遺忘誠不敢與吾子角請先與子誦其正文可乎春霖無以應謝而去公於時不親方策且二十年矣子四蔭普拔貢生蔭昌山東武定府同知蔭東附學生蔭豐翰林院檢討少出嗣爲季弟後

從孫耕心曰聞之故老道光初山西知縣以廉幹知名者六人公其一也以著述蕭蕭落故治迹多不傳然卽一二軼事亦可以知其略矣

兩淮候補鹽運使司經歷先考鞠龕公家傳

公姓王氏諱蔭祐字子受號鞠龕直隸正定人考世永附學生公年十三能爲試牘文甫十七教授於外十九補附學生爲學能自策礪好尙論古人而知其得失所在壯歲游江南客海州咸豐八年再以書記客揚州粵匪陷城公罵賊不屈欲以求死賊怒將殺之會以事阻不得殺乃自問道脫歸同治初繇附貢生授鹽運使司經歷待次兩淮故鹽運使長白忠廉公豐順丁公日昌最知公咸敬禮之五年署通州分司角斜場鹽課大使前大使以不識字場政多廢弛公至絕餽遺定約束政乃日新不兩年增場垣以十

正定王氏家傳四

十六

數旣去任商民猶稱道之八年與伯兄梅叔府君同奉母夫人僑居泰州光緒元年十月終於寓宅年五十有二公性慷慨有志節好周人之急少居鄉重然諾工騎射有任俠風獨處則流覽方策默默竟日以棄學自逸爲恥客海州時與湘潭周光輔廉廷漢陽劉世大子謙世仲殿堦沈陽王詡子揚順德張守恩慰霖海州許寶謙牧生吳廷炬蓮卿友善相漸以學相摩以詩時稱吟中八僊公嘗言交游之盛無踰此時者晚年追悼昔游或以索處增感喟云所箸曰鞠龕詩錄三卷子三耕心南河候補同知夔立附學

生宗炎廩膳生  
孤子耕心曰公少涉艱難壯更離亂晚雖寄迹一官  
於流俗飢餓終不能解壹鬱無繆蘊志以殉年雖不  
及六秩而憂患勞瘁夙倍恆人神氣摧傷殆匪無故  
乃不自孤焚燹在疚忽溢十年涂見耄耄輒增悽愴  
且感且羨莫能自解忽若有亡疑將沒齒烏呼悲夫  
公學術高遠每不欲以文采自見嘗誨耕心等曰士  
君子惟解文章已非弟一流若究心詩詞志在風雅  
尤不足效惟立言之文實與德功并垂不朽小子輩  
其各奮勉不宜自薄也耕心恆謹志之不敢忘今撰

正定王氏家傳四

七九

次公集於兵火之餘掇拾畸零裁能成帙校訂既訖  
且付梓氏此雖非公夙志所存要亦不肖孤所不容  
已者神哲在上慰邪悲邪烏呼恸矣  
鹽提舉銜江蘇候補知縣世父梅叔公家傳  
公姓王氏諱蔭福字梅叔直隸正定人考世永附學  
生公繇附貢生授南河縣丞軍功擢知縣加鹽提舉  
銜待次江蘇同治初署徐州府沛縣知縣時豫匪縱  
橫梁楚間沛境屢被其毒民生凋敝公益任催科不  
擾折獄慈恕尤不願以嚴刻自褻時稱其廉平既去  
任僑居泰州再榷釐金於泰州上海光緒七年十月

卒於江甯旅次年六十少時跣弛自憊不拘小節而  
內行醕篤事母夫人能盡色養友愛諸弟始終無間  
視從子猶子也治家嚴肅有條理雖臧獲無廢事四  
十後專修念佛三昧深通生死之說誦持日有課程  
二十餘年未嘗暫廢平居考究教典禮敬道侶有就  
教者輒欣然導之無倦容必欲人同證菩提而後快  
雖聽者厭棄弗恤也其救世之誠如此所著曰三百  
樹梅花庵詩及雜著各若干卷藏於家子五官鶴官  
鶴官智官獬官潛官鶴先公卒官智出嗣爲從弟後  
官鶴今名譯柳兩淮候補鹽運使司經歷

從子耕心曰乾隆閒我本生曾王父椒園府君以空  
談謗佛違疾卒親見關神武帝厲色訶數崩角自懺  
乃得放歸於是閉關謝客徧讀三藏教典三年乃通  
其學晚年專精止觀究徹天人既身體力行發爲治  
勤復以所親歷者著爲文章以示後學垂涕而道往  
復無已且不尙禪那不徵淨土專闡心性綱領以蘄  
溥利三根而見者聞者蒙昧如故或但高其政勤而  
不知所以致此政勤者安在本末倒寘雖甚失實有  
所不顧烏呼開示悟入佛之知見抑何難也於是我  
世父梅叔公憂之後府君三十餘年豁然有省痛砭

往習究心正覺復以府君於淨土一宗未嘗致力乃  
博考教乘專以橫出三界解脫生死爲務蓋自同治  
紀元以後迄公之終二十餘年未嘗一日不以念佛  
三昧爲提倡之本所以示同志誨子弟者辭無枝葉  
罔非正知正見雖撰著無聞而校其所獲實足以補  
椒園之學之所闕且爲吾宗五百餘年家學之所未  
有烏呼創闢之功又何偉也小子耕心少聞緒言壯  
知向往而以迫於生計汨於俗學日月旣逝悠悠如  
故每憶公之殷殷期許輒戚然內咎若無所容雖嗣  
公之學未必無人而擴充繼起蓋有不得妄自菲薄

正定王氏家傳四

三

者四十無聞忽已逾三顧跋真如且慚且懼烏呼悲  
夫

知府用武定府同知從父五橋公家傳

公姓王氏諱蔭昌字子言號五橋直隸正定人考世  
耀山西汾陽縣知縣公繇道光丁酉科拔貢生中庚  
子科舉人授國子監學正遷助教充通倉監督外擢  
同知分發山東署沂州府通判補武定府督捕水利  
同知以守城功擢知府用 賜花翎少時英敏向學  
稍長以文詞書法名當世旣官京師久知交徧海內  
而超淡絕俗確然有以自守也道光季年大學士某

方以延攬後學自文屢招公公執不往後數年而某  
果敗官武定時以同知有督捕責慨其廢弛請於故  
巡撫丁公寶楨乞自効巡撫嘉許之繇是屢獲積盜  
而州縣疾之如仇遂以蜚語互揭於上巡撫無如何  
兩平之公歎曰天下事乃如是邪余不負丞丞其負  
余哉旣而巡撫以卓異薦公又曰大府之知遇不敢  
忘然余彌滋愧矣公之自克皆此類也其處家事上  
接下咸有恩禮雖子姓至亦體貌之而疾惡特甚有  
自驚於禮法外者輒峻拒若不屑教誨者外雖刻厲  
公之志益可悲矣光緒三年卒年六十有五所著曰

正定王氏家傳四

三

廢齋詩尺壺詞若干卷子官澄山東候補通判  
從子耕心曰同治十三年秋公以領運次北通州且  
入覲耕心方客京師趨侍於通州行館公有暇輒  
示以家庭故實文章利病而每及吾宗文獻曰衰門  
祚不振則感慨傷懷有餘恫焉耕心微請其說公曰  
文獻曰衰則人材日下門祚不振則祖宗之業且墜  
於地甯無悲邪已而曰吾老且病無能爲矣小子好  
方策昵道誼他日克自立當識吾言耕心雖遜謝不  
敢當未嘗不心知其意且念公之衰也越一年先考  
府君終於秦州又二年公亦卒於武定蓋於是吾家



之文獻日益微小子之懼亦日益甚今乃執筆敘次  
公傳不覺涕泗之橫集而去公之卒又十有一年矣  
嗚呼纂先世之盛軌以爲子孫光小子弗可及已乃  
公之所望不在勢位而在學術則有志之士或誠求  
而有益於得未可知也故耕心謹述公訓以明不忘  
苟有通識英材因公之說崛起興起耕心且敬執鞭  
弭以從其後

翰林院檢討從父石廬公家傳

公姓王氏諱蔭豐字子京號石廬直隸正定人考世  
瑞附學生本生考世耀山西汾陽縣知縣公繇道光

正定王氏家傳四

三

己酉拔貢生中咸豐乙卯舉人已未進士選翰林院  
庶吉士授檢討充國史館協修官性剛而氣和能  
書工舉業文居家在官篤內行厲品概而卒以貧病  
交撼坎輓以終年四十有三時同治六年也配何氏  
遭公喪以哀慟卒去公之歿甫兩旬子官毅候選訓

導

從子耕心曰莫之爲而爲者天也莫之致而致者命  
也公旣釋褐故大學士壽陽祁文端公歎曰此天下  
循吏子孫也固宜爾然公甫逾強仕遽捐館舍卒亦  
未得有所表見豈非命哉雖然立命之說尙已有志

之士苟不能修身以俟固不得先援命以自斬解免也

正定王氏家傳四

三

正定王氏家傳卷第四竟不詳夫壽命以自斲

也

正定王氏家傳卷第五

第十九世裔孫耕心著

十一世族祖妣邵夫人家傳

夫人姓邵氏十一世族祖太常寺卿恆碣公鍾龐之繼配廣西右布政使原撫之繼母福建福州府知府原直之所生母也恆碣公卒夫人治家儉約教子若孫有法度且以高識遠慮燭照門祚盛衰於數百年後故後嗣謂夫人有先知之哲尤稱道不衰云我真定王氏自八世祖方山公撫民始以科弟起而三公子繼之三公子者長曰光祿寺少卿紹山公蔚次

正定王氏家傳五

一

曰山東左布政使思山公藻季則膠州州判見山公薦也三公之後皆居府城內謂之近三門三門子姓屬最親居相鄰故習尚亦不能無相染當夫人暮年近門有以武功顯者良田華屋照耀遠近而子弟不習正業相尚以奢靡夫人見之意弗善也乃進諸孫教之曰家道隆替視乎後生之所爲以彼所爲無不敗者若輩勿效也當是時長門以仕宦不進多以一經自業夫人又曰長門讀書守分且有達人若輩當以爲法乃使諸孫遞受業於潔齋公瓚及潔齋之弟梅谷公珮季瑛公球而戒督尤勤繇是諸孫皆恂恂

然通道誼多以學術科弟世其家有名績而長門亦漸起惟棄正業習奢靡者不數十年皆傾覆無餘竝丁壯亦寥寥矣夫人諸孫爲次門之五世孫潔齋公則長門之曾孫而耕心之十二世祖也夫人性慈惠篤恩誼所使婢女方及笄輒遣嫁所資匱具有非貧家所及者他懿行多此類尤能不失恆碣公之家法故子若孫皆以博濟著名亦夫人之教然也夫人卒於康熙季年初封夫人以冢子貴封太夫人

九世族孫耕心曰勤正業者不必穫而墮正業者無不敗不穫者不過阨於進取趨敗者或至一蹶不振

正定王氏家傳五

二

其勢然也夫人具通識子孫遂得延其緒有功於王氏亦大矣然思山恆碣兩公每以陰德活人而人不及知其內訓有方克家者眾殆亦有默牖其衷者豈偶然哉

十二世族祖妣梁夫人家傳

夫人姓梁氏直隸真定人禮科給事中維本之女子十二世族祖廣西右布政使止庵公原撫之繼配也少讀書通大義年十六歸王氏事親相夫有賢名故明崇禎十七年止庵公以諸生居北京夫人從焉三月李自成陷城夫人與其女叔慶皆毀容深藏乃

不爲賊所窺及賊遁夫人從祖姑許太夫人將歸里  
方出彰儀門賊猶在前見諸婦女被掠者甚眾且有  
并騎自若者夫人憤且懼曰柰何許太夫人曰吾尾  
賊賊不反顧夫人曰如反顧柰何乃謂女叔慶曰吾  
且以死避若能從乎對曰諾願從嫂已見道傍有井  
喜曰清泉皎皎吾與若得死所矣遂相攜赴井死世  
稱王氏雙烈祖姑慶太常寺卿恆碣公鍾龐之季女  
止庵公之女弟也先聘定州劉氏死時年十三  
八世族孫耕心曰夫人死節事具見家乘地志及夫  
人從兄故吏部侍郎清遠所箸雙烈傳詳畧雖殊事

正定王氏家傳五

三

蹟無疏舛也惟計氏明季北略謂爲清苑梁氏婦莫  
知所本及核其傳文則明書眞定人爲王公原膺配  
不知附論所云何以仍涉歧誤可怪也祖姑慶聘劉  
氏略文謂聘賈氏亦謬夫夫人之死事卓矣當時旣  
失推闡之義見遺於正史而稗記所載轉以滋考鏡  
之惑後嗣子孫烏可以默默已哉

十三世祖妣梁孺人家傳

梁孺人家傳

孺人姓梁氏直隸正定人附學生清遴之女子子十  
三世祖婁縣縣丞厚庵公麟超之配也年二十歸王  
氏孝舅姑敬夫子劬力操作數十年如一日初厚庵

公以授徒自給家劇貧親屬十餘口炊爨縫紉無分任者皆惟孺人一人是賴孺人矻矻終日幾無食息暇雖祁寒溽暑繁勩如故莫能暫卽清溫也旣厚庵公待次江南孺人獨家居樁柱事蓄尤竭心力每至告貸路窮則背人欲泣而怨尤之詞未嘗一形諸口及厚庵公補官七任知縣所歷皆繁盛地孺人常從乃儉約如昔於珠玉玩好絢綺之屬視之蔑如故厚庵公以清操著而宦退猶得粗立家室者皆孺人勤儉之助也晚年稍足自給尤好施與兄公夫婦皆篤老則敬資饗饋女叔無屋則輸資以助值歲暮察宗

正定王氏家傳五

四

戚有困乏者必餽以粟米蓋孺人雖躬歷空匱轉以激發其仁惠之志而無所吝烏呼彌足法已孺人卒於乾隆間子三發位平鄉縣學訓導發傳乾隆戊子科舉人發信附貢生

舅孫耕心曰庸行之充通於神明孺人所爲皆天理之至庸行之極也其獲終吉也固宜若處貧而怨處富而驕則孺人之罪人安足齒哉

十五世族祖妣劉太君家傳

太君姓劉氏十五世族祖處士子彊公鎮豪之配也年二十歸王氏越五年處士卒太君守志撫孤以終

其事舅姑能執婦道處士既卒家益貧乃自啖粗糲而舅姑之奉必精潔及暮年子客四川諸孫號寒嘯飢者九眾太君率子婦勤紡績以自給茹荼如齊宗族敬之乾隆十二年以鄉黨公舉詔賜旌表入祀節孝祠子定一靈壽汎外委把總人

五世族孫耕心曰太君之被旌縣志書乾隆十二年家乘以爲十年蓋誤縣志之文宜本案牘尤可徵信今據以爲傳致謹也

本生曾王母傅淑人家傳

淑人姓傅氏諱淑直隸靈壽人豐潤縣學訓導金鐸

正定王氏家傳五

五

之女子子本生曾王父浙江按察使椒園公定柱之元配也年十六歸王氏上事舅姑必孝必謹夫婦相對恪如賓友周旋三黨咸有恩禮兩叔方幼撫之如弟既娶處築里閭相敬愛無違言方是時淑人總家政而室無私財梱以內莫不粹然太和見者咸以爲家庭瑞事云君姑魏太淑人歿淑人毀瘠甚幾滅性椒園公病多忿恚淑人事之盡瘁未嘗有迕色病且亟淑人手疏禱佛願減年以益夫壽公愈見燼疏遺字疑而詢之淑人泫然曰誠有此然婦人之義以死夫前爲福卽早死何憾且脫有意外變妾亦烏能久

活乎越數年淑人果卒初淑人方來歸椒園公夢行水田間遇一綠衣女子謂曰妾君前世妻也二十年後儻更相見未可知及淑人卒距來歸時適二十年淑人爲人莊而和才敏而敬事善烹飪精女紅偶學爲詩有至性語好施與乞假輒應合藥施人歲費數十緡至病亟未嘗暫廢卒年三十有六時嘉慶四年也子三世耀山西汾陽縣知縣世永附學生次世瑞亦附學生後淑人賈氏出

曾孫耕心曰淑人懿德咸備中道徂謝宗黨哀之故至今徵內範者必曰傅淑人夫名者道之華也與其

身在而名滅何如身逝而名存淑人知道其亦足以自慰已

### 王母傅太君家傳

太君姓傅氏諱盼直隸靈壽人巡檢漱芳之女子子本生曾王母傅淑人之姪王父琴舫公世永之配也年二十五歸王氏甫數月君姑馬孺人病風痺委頓牀第轉側飲食皆需人太君勤扶掖潔饗饋雞鳴而起夜分乃退斯須未嘗不在側雖有他婢媪莫能代勞也如是者凡六年而孺人卒孺人既卒太君舉一子裁免乳大慟曰吾姑久望抱孫今有孫矣而吾姑



不及見天平悲哉喻解者皆涕下當是時鄉黨皆曰  
孝婦孝婦無異辭太君性剛毅而相夫盡禮惟恐不  
得當道光中琴舫公以業蹉折閱致爭訟每遠游不  
得歸太君輒獨任家事飢寒困瘁有非人情所能堪  
者而太君有拮据無怨尤落落然也其教子惟督以  
守先業勤講誦偶涉懈惰輒訶責不少貸當極困時  
或謂太君曰若諸子且長矣如徒業猶足以贍若家  
問何業曰府史也太君默不應已而曰吾兒拙那得  
有此福願勿復言後諸子卒皆以儒業自見者率太  
君之志也咸豐初以冢子官江南就養淮揚間繇是

正定王氏家傳五

七

太君始漸卽宴安而心力已交瘁矣光緒六年卒於  
泰州寓宅年八十有八子三蔭福江蘇候補知縣蔭  
祐兩淮候補鹽運使司經歷蔭祉附學生女蔭齡適  
聊城李氏咸豐十年以罵賊殉節於杭州  
孫耕心曰道光中年後吾家中落勢且不支以太君  
劬勞補苴幾三十年然後得延其門祚太君之保衛  
子孫者已至而茹荼之酷或不忍聞何其悲也太君  
有言娶一婦管三世或請其解太君曰上以事舅姑  
下以教子孫中以相夫子也其人賢則三世蒙其福  
其人不賢則三世被其禍爲婦者當知此娶婦者亦

當知此烏呼太君所言卽太君所以自底厲也雖班  
氏女誠之說奚加焉楊而箸之亦以資法戒也

正定王氏家傳五

八

正定王氏家傳卷第五竟太君所以自底厲也雖班

正定王氏家傳卷第六

第十九世裔孫耕心著

王氏先正會傳

光緒十四年夏四月耕心謹考先世行狀碑版謨家傳若干首既卒業復讀新修正定縣志則吾宗先正見於箸錄者更有若爾人乃復綜覈家乘比而書之命曰王氏先正會傳於是吾宗先正之可見於世者舉無所軼小子繼述之志乃益以大慰新修縣志纂自眾手於吾宗傳文疏謬附會皆不能免今一正以譜錄裁以義法不敢蹈不仁不明之咎以惑後人義

正定王氏家傳六

例謹嚴與專傳同蓋其慎也烏呼小子之文不足論若衷道以立言或猶不失夙志之所存先正會傳一篇凡五十有八人弟十世二人弟十一世三人弟十二世九人弟十三世十三人弟十四世十三人弟十五世四人弟十六世七人弟十七世三人弟十八世四人

十世從祖積庭公諱兆慶字積庭九世本生祖見山府君薦豕子也府君有子二人次曰兆吉幼出嗣爲伯兄紹山府君蔚後是爲霍州公紹山府君歿霍州以後生治生計多外侮公扞衛教誠無餘力霍州以

濟宗黨稱焉少充附學生天啟元年卒子七太恆附  
學生次太元次太和太清皆附學生次太純太朴太  
茂

十世族祖臨池公諱兆舜字臨池九世族祖莘府君  
豕子也家三里屯隱居不仕好交游戶外之屨常滿  
豪名震一時卒時失考蓋有明季年也子太奉

十一世族祖泗濱公諱太和字泗濱十世從祖積庭  
府君兆慶季子也少充附學生美風儀工書畫爲人  
謙沖樂易鄉閭敬之康熙四年卒子三原震原光原  
浩

正定王氏家傳六

二

十一世族祖伯聲公諱鏗字伯聲十世族祖顯若府  
君兆耀子也中康熙壬午武舉人以豕子官封中憲  
大夫三等侍衛爲人端厚教諸子有禮法晚好禪悅  
每乘鹿車游隆興寺與諸大德析六度三乘妙義子  
若孫前後推挽人皆慕之乾隆九年卒子七原榕高  
州營游擊原懌附監生出嗣爲從兄後次原恂次原  
忱武學生原懿尙嵐州把總次原懋次原愉武學生  
十一世族祖幼平公諱鎬字幼平十世族祖德徵府  
君廷瑞豕子也繇歲貢生授國子監助教歷官行人  
司行人奉天府通判公天性友愛弟鏐官肇慶府同

知卒於任公軫其無後爲立繼嗣保其遺產無所失  
墜人以爲難少工制舉文及告歸猶以誘掖後進爲  
務操觚者宗焉康熙三十七年卒繼嗣子原懌武學  
生

十二世從祖子璧公諱珩字子璧十一世祖百成府  
君太初仲子也少充廩膳生有高行孝友慈惠束修  
自好鄉黨推之善屬文九王丹青染翰甫畢人輒藏  
弄困頓場屋三十餘年卒以不遇終時康熙二十三  
年也子四聿崇榮振次榮武歲貢生榮蘭附學生  
十二世從祖季瑛公諱璩字季瑛十一世祖百成府

正定王氏家傳六

三

君太初少子也中康熙辛卯科舉人少儻好長槍  
大劍及鬪雞走狗之屬已而折節向學文章高出流  
輩鄉先生皆歎詫稱奇才李文貞公光地視學京畿  
最重公繇是知名所爲制舉文義法精密家居教授  
及門者多騰踏去公累舉進士卒不中弟康熙五十  
七年卒子四良翰雍正己酉科舉人次良臣良佐次  
龍攀附學生

十二世族祖叔果公諱原毅字叔果十一世族祖冰  
潭府君鍾岳弟三子也冰潭府君嘗箸王氏世系譜  
未卒業公復增修之益精密有條理後家乘得以成

編公有力焉少充廩膳生勤學工書有時名康熙四十七年卒子榮文附學生

十二世族祖退庵公諱原讓字遜之號退庵十一世族祖冰潭府君鍾岳弟五子也少充增廣生以子官贈朝議大夫知府銜永定河北岸同知公言行卓越有物有恆甯甯無肆甯甯犯無欺純粹篤敬時推善人君子居恆以教授自業泊如也而尤以書畫名當世書由趙孟頫氏沿溯二王議者以爲趙氏畏友畫亦雄厚時入米氏之室平生肆力翰墨臨摹古帖碑版高可等身其勤如此箸有退庵詩橐若干卷乾隆十

正定王氏家傳六

四

九年卒子三榮勛增廣生榮勛浙江處州府知府榮贊附學生

十二世族祖子文公諱原煥字子文十一世族祖冰潭府君鍾岳弟六子也才思敏贍爲文落筆數千言未嘗起草熟經籍教授有法度游其門者多知名少充增廣生康熙五十八年卒無子

十二世族祖乾輔公諱原震字乾輔十一世族祖泗濱府君太和冢子也善治生計少依外舅崔氏於平樂莊以力耕致富篤於故舊宗戚過從者皆厚款之無不意滿順治閒卒子三世元歲貢生世亨附學生

次世貞

十二世族祖靜軒公諱原爽字靜軒十一世族祖盈若府君太冲豕子也少孤貧從父谷虛府君太洪撫之有恩公既壯以逐什一立家室事谷虛府君如父禮孝敬無違府君慰焉爲人篤誠謙退表裏如一遇宗戚喪葬婚冠莫不盡禮勇於濟人教子有義方好施方藥全活甚眾乾隆七年卒子榮封附學生

十二世族祖怡若公諱原榕字怡若十一世族祖伯聲府君鏗豕子也繇康熙癸巳科武進士授三等侍衛嘗單騎迎 駕古北口

正定王氏家傳六

五

聖祖嘉之

世宗御極寵賚尤渥 賜花翎 命專達外擢廣東高州鎮中軍游擊未幾卒於官時雍正二年也公天性孝友卓犖不羣年不稱德宗黨惜焉繼嗣子榮台十二世族祖廣庵公諱原懃字長濬號廣庵十一世族祖紫鉉府君鏐繼嗣子也天性慈愛飲人以和好闡因果時稱長厚君子晚嗜出世學每與禪侶討論竟日忘倦少補附學生充國子監生乾隆二十一年卒子二榮獲歲貢生次榮壯

十三世族祖繩其公諱榮武字繩其十二世從祖子

璧府君珩第三子也充歲貢生候選訓導狀貌秀偉  
多材藝工舉業文善掖人材好爲詩超軼可誦少病  
失血精衛生之術年登大耋神明炯然卒年九十時  
乾隆二十四年也子二發聯歲貢生發弟天津縣學  
訓導

十三世族祖公藩公諱良翰字公藩十二世從祖季  
瑛府君球冢子也性端潔不妄取與講求道誼通宋  
五子書尤好平湖陸氏之學工舉業文教誨生徒勤  
勤懇到學者慕嚮之中雍正己酉科舉人乾隆十八  
年卒子二發端乾隆癸酉科舉人次發裕

十三世族祖蘿村公諱榮邁字逢年自號蘿村居士  
十二世族祖柏崖府君原直第三子也治家有法度  
睦於宗黨書法米元章氏得其神髓題壁尤工少絲  
國子監生考授縣丞乾隆十二年卒子六發頤甯津  
縣學訓導發頤增廣生發顥廩膳生發顥增廣生發  
穎附學生發顥武學生

十三世族祖梅蹊公諱榮增字不傳號梅蹊亦號杯  
隱子十二世族祖柏崖府君原直第六子也英敏有  
才氣工擘窠書好爲詩箸有夢谿詩鈔若干卷繇國  
子監生考授縣丞歿後始授福建古田縣縣丞乾隆



十六年卒子三發燕增廣生發丹附學生次發源  
十三世族祖長卿公諱榮爵字長卿十二世族祖子  
固府君原貞冢子也少補附學生家貧好學爲文有  
奇氣躬自灌園猶挾冊吟誦康熙四十五年卒年二  
十有六子發魁增廣生

十三世族祖爾郁公諱榮文字爾郁十二世族祖叔  
果府君原毅子也幼孤貧獨與姊居姊賢且慧精女  
紅通文字恆手營衣食以資公公亦發憤力學文思  
英銳不屑隨人後甫充附學生遽以疾死姊適梁氏  
不數年亦死宗黨哀之公娶杜氏無子卒時失考蓋

正定王氏家傳六

七

康熙季年也

十三世族祖肅亭公諱榮勛字靖臣號肅亭十二世  
族祖退庵府君原讓冢子也少補增廣生力學不倦  
讀全史至兩周文辭英奇振筆疾書莫能自闕爲人  
胸無奧窔接物以誠浩然自得見公者輒謂無懷葛  
天去人不遠乾隆三十五年卒子發津

十三世族祖敬亭公諱榮贊字不傳號敬亭十二世  
族祖退庵府君原讓弟三子也性顛憇每窮一義輒  
力行不疑初讀禮書慨然曰禮爲人道綱紀違禮則  
邪悖禮則亂烏可以已乃與昆弟家人約值朔望必

拜於堂秩然有儀其訓生徒趨踰少不中節必使重  
肄主人厭其煩從游者多引退嘗值歉歲財用困乏  
忽悟儉以濟絀之理復一意行儉而公所謂儉每爲  
人所不能堪常稱曰種匏之利可代陶瓦大以充簋  
小以當孟何以陶爲或諷之曰汙樽抔飲不尢勝栽  
植之繁邪公自信彌篤竟不能屈而亦以儉故卒以  
無困晚年復留心文字體裁謂字體左右偏傍皆宜  
相配不可相觸每以其法鈇規舊帖雖古今名家不  
能盡合也其議論創闢多類此然公律已甚嚴論者  
雖病其迂終不能不謂之端人焉少補附學生乾隆

正定王氏家傳六

八

四十三年卒繼嗣子發櫟

十三世族祖永佩公諱榮嗣字永佩十二世族祖上  
之府君原陞繼嗣子也爲人言行謹飭恂恂有禮通  
音律多材藝尤擅技巧嘗手製自鳴鐘備極工妙無  
舛晷刻所作笙簧咸中音節又能鍊銅爲銀人不能  
辨然特偶資戲劇未嘗售欺也子二發進出嗣爲族  
人後次發金

十三世族祖子銓公諱榮選字子銓十二世族祖舒  
子府君原悠仲子也少入行伍歷官山東河標左營  
守備貴州平越營都司篤宗誼通文辭所著王父眞

常府君碑陰文至誠惻怛肫然仁孝之意有足垂範  
後嗣者雖一節之偶見亦可以知其概矣康熙四十  
九年卒子六長繹次發纁次綱國子監生出嗣爲伯  
兄後次發瑞次績國子監生次緒武學生  
十三世族祖子立公諱榮業字子立十二世族祖毓  
六府君原奇冢子也繇行伍累官陝西靖遠營守備  
在官能振其職御下有恩旣謝病士卒爲勒碑以頌  
德雍正元年卒子四發禛發令發軻發乾

十三世族祖金章公諱榮封字金章十二世族祖靜  
軒府君原爽子也少充附學生孝謹不匱能以行誼

正定王氏家傳六

九

嗣其家靜軒府君臥病久公侍側衣不解帶無閒夙  
夜憂勞旣甚所業就荒勉應督學試輒中雋府君雖  
疾篤亦爲色喜人以爲孝感乾隆閒卒子二發徵發  
常常出嗣爲舅武氏後

十三世族祖君寵公諱榮顧字君寵十二世族祖原  
亮府君仲子也善治生產兼精農商以勤樸起家忠  
爲人謀有託以資財者權衡不苟滋息輒茂時稱卜  
式之流亞晚充國子監生乾隆三十九年卒子發林  
乾隆辛卯科武舉人  
十四世族祖石鯨公諱發甲字殿揚號古狂更號石

鯨十三世從祖蘅舉府君良驥冢子也爲人超軼不羣文詞英爽工書法時稱異才撫諸弟不拘儀節而友愛獨至少充廩膳生雍正元年卒年二十有七箸有愚山詩藁若干卷無子

十四世族祖臨莊公諱發端字臨莊十三世族祖公藩府君良翰冢子也少病聾而勤敏向學家居教授善治人材有盛名經籍外泊無所營清操尤著中乾隆癸酉科舉人三十三年卒子二正凝廩膳生正靜附學生

十四世族祖至亭公諱發善字廉夫號至亭十三世

正定王氏家傳六

族祖奕臣府君榮恩子也繇雍正癸卯科舉人授四川榮縣知縣調華陽中江縣知縣少孤貧而篤志力學有文名在官能以文學飭吏治爲人溫文簡默有儒者氣象涉醉鄉則高談雄辯不得復以方幅拘乾隆三十四年卒子二正笏國子監生正斗附學生十四世族祖雪客公諱發頰字昂友號雪客十三世族祖蘿村府君榮邁仲子也少充增廣生爲人翛然澹泊越諸塵累工書畫一以吳興趙氏爲宗時稱吳興後身雍正十年卒無子

十四世族祖月舫公諱發顥字景梁號月舫十三世

族祖蘿村府君榮邁弟三子也少充廩膳生天資朗  
悟爲文典麗風華紛如錯繡雍正十一年卒子正儀  
十四世族祖章仲公諱發袞字章仲十三世族祖玉  
音府君榮綸仲子也少繇附學生充國子監生爲人  
言規行矩無忝世業工制舉文能入章羅之室名藉  
甚乾隆四十六年卒子二正來山東臨清州州判正  
采從九品

十四世族祖雨巖公諱發霖字雨巖十三世族祖錫  
三府君榮命豕子也繇國子監生考授主簿事親孝  
謹工書畫有時名乾隆三十三年卒子三正憲四川

正定王氏家傳六

十一

邛州吏目正鎔附學生次正鉞

十四世族祖桂圃公諱發燕字桂圃十三世族祖梅  
蹊府君榮增豕子也少充增廣生負雋才文詞清逸  
有別韻乾隆六年卒子正通

十四世族祖柳庭公諱發榮字柳庭十三世族祖澂  
齋府君榮勛仲子也繇乾隆甲寅科舉人授山西文  
水縣知縣工爲詩著有揀耆堂詩集若干卷嘉慶二  
十三年卒子二長正瑄次正琮附學生出嗣爲伯兄  
後歲文典麗風華紛如錯繡雍正十一年卒子正儀  
十四世族祖石萼公諱發楠字楚良號石萼十三世

族祖澂齋府君榮勛第三子也繇乾隆己酉科拔貢生授永清縣學教諭篤學嗜古誨人不倦游其門者多通顯著有王氏世系譜二卷諍友齋詩集若干卷道光十年卒子三長正搢次正呂附學生出嗣爲從兄後次正同道光己酉拔貢生

十四世族祖經公公諱緯字經公十三世族祖子聘府君榮遜仲子也少充國子監生性倜儻多材藝文詞書法博奕射獵下逮蠻貊方言靡不通曉好交游重節義恆爲人排難解紛不責報累試不弟輒邀遊遠近縱情山水後游江甯終於客館卒時談笑自若

正定王氏家傳六

七

賦辭世詩一章投筆而逝時雍正七年也子三家彩  
正彩正烈

十四世族祖元村公諱發寬字不傳以家獲鹿元村後嗣因以爲公號十三世族祖子尊府君榮達弟三子也性端默有隱操尙義不倦元村不廢鄉校而游庠序者闐無人有精相地者至指一處曰若於此建一先聖祠三年內當有成立者其地適在公居宅前公慨然曰地雖吾有旣爲一鄉文教所關烏敢吝乃捐地爲祠基且首事勾資以創建自任於是業科舉者咸樂輸諸富氓輒趨起不前且撓以鄙語經費旣

鉅所得僅數十金勢且中轍公又曰旣爲首事烏可  
以稗議廢遂斥賣已田大半以益之祠乃就且躬執  
洒埽之役朔望致敬焉居二年村人果有入學者已  
而相繼獲雋者不一村氓乃服論者謂建先聖祠於  
鄉社雖不中禮公之篤志好義實不可及云公與物  
無競人皆化之鄰垣傾圯輒曰相與聚處甚樂何築  
爲遂與鄰人同院居者二十年其純樸無爲如此公  
之卒在乾隆閒初無子旣毀家建祠年已五十餘乃  
生子曰正端及壯能以孝謹力田世其家

正定王氏家傳六

三

亨府君冢子也天性孝友事叔父如父叔父病醫藥  
飲食事必躬親審寒煖察好惡不待告語也諸弟幼  
撫之咸有恩歿後數十年從弟一鵬每語及公未嘗  
不流涕公少補附學生康熙閒卒無子

十五世族祖霽亭公諱正悅字霽亭十四世族祖香  
巖府君發桂子也繇附監生授浙江杭州府經歷遷  
定海縣知縣以獲洋盜功擢知州用能爲詩著有霽  
亭詩藁若干卷嘉慶十八年卒子三定筠候選縣丞  
定筌候選從九品次定籌

十五世族祖寶文公諱正訓字寶文十四世族祖訥

庵府君發裔第三子也少有才名力學好古爲文精  
嚴有法度晚充歲貢生候選訓導絕意仕進惟以典  
籍自娛著有桐雨山房雜組怡軒詩集若干卷道  
光六年卒子四定姓棗強縣學教諭定珏廣東候補  
知縣出嗣爲季弟後定喆蚤世定賁候選從九品  
十五世族祖方理公諱正琮字方理十四世族祖壽  
莊府君發椿繼嗣子也少有令譽通詩古文博聞強  
識才辯縱橫聞其說者莫不傾靡晚充恩貢生候選  
教諭著有方壺詩藁若干卷同治閒卒子定慧附學  
生

正定王氏家傳六

十四

十五世族祖惠侯公諱正同字惠侯十四世族祖石  
萼府君發楠弟三子也少充道光己酉科拔貢生有  
才名以落拓終好爲詩儲藁甚富皆佚不傳同治閒  
卒無子

族會祖秋舫公諱定寓字育卿號秋舫十五世族祖  
均庵府君正架仲子也夙有詩名壯游滇蜀尤得山  
川之助著有秋舫詩藁柳林漁笛詩餘若干卷少充  
增廣生道光十六年卒子世蓋歲貢生  
族會祖鹿坪公諱定姓字易亭號鹿坪十五世族祖  
寶文府君正訓豕子也中嘉慶丙子科舉人弟一授



知縣待次江蘇署興化甘泉縣知縣少勤學工制舉  
文有時名爲縣慈祥愷悌民號彌勒佛而天性戒慎  
不慕榮利卒請改教職歸補棗強縣學教諭道光閒  
卒子世度同治庚午科副榜

族曾祖玉峰公諱定珏字錫周號玉峰十五世族祖  
濟南府君正謹繼嗣子也絲嘉慶丙子科舉人授雞  
澤縣學教諭擢知縣待次廣東署化州知州公少與  
伯兄鹿坪府君齊名立身端潔有品學知化州時值  
寇亂公守禦有法城得全州人頌之咸豐閒卒於廣  
州子二世溥候選主簿次世溶

正定王氏家傳六

十五

族曾祖冰谷公諱定愈字進之號冰谷十五世族祖  
東紫府君正來子也少充國子監生天資高朗治醫  
方窮其奧蹟於痘疹尤有神解晚年能察形色斷生  
死百不失一求診者無貧富輒應尤貧者或濟以藥  
餌無厭倦家居數十年所投皆效名噪遠近全活者  
無筭著有痘疹捷要若干卷嘉慶二十二年卒子二

世敬世敘

族曾祖毅堂公諱定恆字立方號毅堂十五世族祖  
文度府君正憲豕子也絲國子監生歷官山東東阿  
縣縣丞四川富順縣鄧井關縣丞湖北黃州府江防

同知少涉艱險有識度受侮不校卒以堅忍故克自樹立登仕籍雖治勩失考其志量有足稱者道光十六年卒子二世臣候選從九品次世錦

族曾祖海田公諱定鶴字海田十五世族祖儀薛府君正瑄冢子也少補附學生爲人謹樸無華飾能詩著有十石齋詩藁若干卷卒年失考子世灝  
族曾祖季田公諱定瀛字季田十五世族祖儀薛府君正瑄弟三子也少補附學生未冠以詩名工奕箸有閒吟藁若干卷道光閒卒年二十有二不娶無子族祖英臣公諱世隆字英臣族曾祖心之府君定志

正定王氏家傳六

十六

第三子也繇行伍累官湖南宜章營中軍守備加都司銜賜花翎咸豐五年九月從征粵匪於湖北德安府三陂港力戰歿於陣詔錫雲騎尉世職子蔭

堂襲職隸正定鎮標

族祖勵堂公諱世敷字勵堂族曾祖心之府君定志季子也繇行伍官天津大沽協千總咸豐九年五月夷匪寇天津公從大軍守北礮臺歿於陣詔錫雲

騎尉世職子蔭紳襲職隸正定鎮標

族祖雪門公諱世勳字萊峰號雪門族曾祖敬之府君定久仲子也繇道光戊子科舉人授吉林甯古塔

學正擢內閣中書舍人加侍讀銜性剛直能任事官學正時訓士有法門下士多以學術致通顯樂城彭氏子客吉林爲人誣陷致之獄公力拯之旣免復經紀其父喪使歸里順天馮甲以訪兄流落吉林公哀之時恤其困且匄資送其家屬歸京師其施濟不吝如此同治閒卒子蔭疇附學生

叔父延之公諱蔭祉字延之先大父琴舫府君世永季子也能爲詩少作尤清逸咸豐初補附學生同治十三年客太原卒子二官政附學生次官敘

從父蓮伯公諱蔭普字龍田號蓮伯從祖遠亭府君

正定王氏家傳六

七

世耀豕子也充道光丁酉科拔貢生少有雋才跡弛不羈博學嗜古通古文辭賦游京師最知名咸豐五年卒子二官駿河南候補縣丞官騏附學生

族父蔭滄公諱蔭滄字不傳族祖韞堂府君世鑑豕子也性孝友鄉黨無閒言弟蔭淮早死遺孤皆幼公教養兼至待弟妻有加禮卒年失考無子配何氏撫蔭淮之子官秀爲子

族父璧山公諱蔭繪字璧山族祖廣齋府君世斌仲子也繇行伍官正定鎮晉州汛把總同治六年十一月禦馬賊於原頭村歿於陣子二官政官敏

九世從祖妣陳夫人真定人世襲真定衛百戶力之  
女子子九世從祖山東左布政使思由公藻之元配  
也年十七歸王氏事姑任太夫人以孝謹稱敬以相  
夫慈以撫下治家尤勤儉無華飾或爲豪家婦所笑  
夫人自若曰吾自惜福耳卒不屑改徇流俗也萬歷  
九年卒年三十有七封安人贈夫人生子二兆年附  
學生兆甯蚤世後夫人范氏生兆宏兆熙兆泰兆定  
十世族祖妣許太夫人真定人十世族祖贈通奉大  
夫太常寺卿述思公兆甯之繼配也年十八歸王氏

越二年述思公卒太夫人守志撫前室孤子鍾龐如  
已出慈愛備至執紡績以督課燈火熒熒每至夜分  
治家嚴肅蕭然荆布子後雖貴顯無加焉順治間卒  
鍾龐累官太常寺卿贈通政使

十一世族祖妣閔太君真定人十一世族祖國子監  
生國度公太涵之配也年十七歸王氏越十年國度  
公卒太君自經以殉以救免上事舅姑存殯盡禮夙  
通經史教孤子有法度守志三十五年卒時康熙五  
十年也乾隆元年奉旨旌表子原健武學生

高祖妣魏淑人柏鄉人國子監生紘佩之女子子先

高祖王父饒陽縣學教諭贈通議大夫兩淮鹽運使  
漁湖公正準之配也少孝謹有智略年十五歸王氏  
事祖舅姑舅姑皆盡禮漁湖公卒治家勞勩督諸子  
尤嚴乾隆五十六年卒贈淑人子三定柱浙江按察  
使定枚蚤世定樞嘉慶癸酉科舉人  
十五世族祖妣傅太君靈壽人十五世族祖正儀公  
之配也年十九歸王氏甫數月正儀公卒太君茹苦  
守志七十七年乃終年九十有六卒時失考蓋乾隆  
季年也無子繼嗣孫世昌

十五世族祖妣魏太君柏鄉人十五世族祖儀薛公

正定王氏家傳六

正瑄之配也嘉慶閒儀薛公卒遺孤皆幼太君從容  
教誨諸孤皆得嗣家學有令名太君守志四十二年  
終卒時失考蓋道光季年也子三定鶴附學生定芝  
歲貢生定瀛附學生  
從曾祖妣魏宜人柏鄉人從曾王父嘉慶癸酉科舉  
人贈奉直大夫翰林院檢討星垣公定樞之配也嘉  
慶十九年星垣公試禮部卒於京邸無子宜人撫兄  
公之子世瑞爲子世瑞蚤世再撫從孫蔭豐爲子婦  
李氏子宜人治家嚴峻人咸敬畏無廢事凡守志三  
十九年李太君守志三十年咸豐二年先後卒皆贈

宜人世瑞附學生蔭豐翰林院檢討

族曾祖妣何太君正定人族曾祖希曾公定異之繼配也歸王氏五月而希曾公卒太君守志五十七年乃終希曾公卒於乾隆四十八年太君之卒蓋道光十九年也繼嗣子世鑑

族曾祖妣梁太君正定人族曾祖附學生定選公之配也定選公卒無子太君守志三十二年終卒時失考蓋在道光間

族曾祖妣段太君族曾祖友竹公定梅之配也友竹公卒太君年二十有二守志四十九年乃終卒時失考

正定王氏家傳六

三

考子世琦世珣

族曾祖妣梁太君正定人族曾祖附學生心之公定志之繼配也心之公卒諸子皆幼家益貧太君撫諸孤歷涉艱苦皆獲成立凡守志三十二年乃終卒時失考蓋在咸豐間子四世斌正定鎮固關營千總世敷正定鎮臺城汛外委把總世隆湖南宜章營守備世敷天津大沽協千總

族祖妣朱太君族王父世達公之配也年十八歸王氏年二十六世達公卒有一子太君守志撫孤議者或以年少家貧爲說太君大慟矢志益峻鄉黨敬之

已而繼姑文氏有子女食指繁家益落太君乃率孤子歸母家資紡績以自給舅有疾復歸省未幾舅歿不數月繼姑亦歿繇是家居數年嫁其女叔悉以己之匱具資焉子旣壯事母孝謹娶婦亦婉順太君乃大慰蓋世達公能有其家與子皆太君數十年堅貞之操之所集也太君守志四十五年乃終年七十有二卒時失考蓋道光中年也子蔭遠

正定王氏家傳六

三

疾竟瘳後十二年乃卒人以爲孝感來歸甫一月卽謂梅叔公言家有從父妹少病失明恆以爲己憂君如聘之妾憂可釋矣梅叔公不敢應上書先祖父母以請命先祖父母嘉許之遂娶焉卽今繼室太君也太君天性豁達不吝財貨教子女有法度諸子在家塾惟恐不得師師雖嚴厲弗恤也咸豐閒梅叔公以待次江蘇家南清河後復以寇亂徙安東時饑饉連年家困甚太君悉斥匱具以供饗飧費宴如也同治三年卒年三十有七後三年梅叔公知沛縣宦涂稍遂而太君不及見矣子五譯柳官智太君出官鶴官





正定王氏家傳後記

光緒十四年冬既著家傳五十篇越二年復成世譜  
世錄各若干篇吾宗記載庶幾已備而考證廣續不  
能無侈望徹編之期猶有埃焉唐宋以上譜與傳皆  
別行有明後乃合爲一今以譜錄尙無定槩輒先彙  
家傳以質宗族更有贖義則件繫於後蓋一以備采  
訪歸丁一以示家塾子弟也

正定王氏本出太原太原王氏出姬姓周靈王太子  
晉之後也昌黎韓子以爲祖王子成父莫知其審要  
皆周室之支庶后稷之苗裔也唐宋之際王氏族望

正定王氏家傳後記

二

二十有七出姬姓者六曰太原曰琅邪曰東海曰高  
平曰京兆曰河間出子姓者十曰天水曰東平曰新  
蔡曰新野曰山陽曰中山曰章武曰東萊曰河東曰  
汲郡出媯姓者三曰北海曰陳留曰魏郡元城出虜  
姓者四曰河南本可類氏曰馮翊本鉗耳族曰營州  
本高麗曰安東本阿布思未詳所出者四曰金城曰  
廣漢曰長沙曰堂邑姬姓王氏太原琅邪同祖太子  
晉而琅邪少後顯高平京兆皆祖魏公子無忌河間  
一族亦祖魏氏惟東海一族莫知所本子姓王氏天  
水以下十族皆祖殷王子比干媯姓王氏三皆祖齊

王田和爲虞舜之後虜姓諸族惟鉗耳氏亦出太子  
晉見集古錄目隋鉗耳君清德頌餘皆無聞此王氏  
族系之大凡也我始祖大賢公先家清源後徙真定  
初遷時惟自志清源本族系出太原他譜牒皆不備  
故自公以上世次無考繇明迄今吾宗宦山西者六  
七公亦皆未得上溯淵源詳求本系蓋敦樸之風如  
此與傳會古賢無徵不信者異矣太原王氏自東漢  
後久爲海內名族其列名正史傍見傳記者不可勝  
紀正定一宗明以上世次旣已失考固不得妄援先  
正以自淆譜牒之例惟清源一族爲本宗所自出如

正定王氏家傳後記

二

能訪其世系庶幾猶可上闕宋元之際惜耕心遠居  
江淮無能爲矣敢敬存吾說以助我後人

始祖大賢公有同產弟名大聖明洪武閒以軍功授  
浙江觀海衛世襲指揮僉事終明世未嘗中絕公九  
世孫有名尙文字保疆者以嘉靖壬辰武進士累官  
鎮守福建總兵官佩印征蠻將軍都督同知著有蓋  
心堂集二卷萬曆六年廣西柳州苗獯煽亂馬平獯  
韋王朋率東甌大產諸蠻攻掠鄉社保疆討平之十  
八年以致仕過真定與先九世祖光祿公稽譜錄爲  
昆弟行見先光祿子姓林立悅之因薦餘姚王先生

承泰爲諸子師先後事迹見 欽定四庫全書總目  
集部別集類明史廣西土司傳及先十世祖霍州公  
自敘年譜先從父武定公所撰清源公述正定王氏  
分支未有前於此者保疆本集自署鄉貫亦仍作眞  
定蓋其不忘宗國如此而我先世家乘以大聖公以  
下世次不備於兩公名字僅見別記迄未列入譜牒  
雖格於義例不得不然亦少涉疏略矣考明史地理  
志觀海衛洪武十九年十一月置治所在甯波府慈  
谿縣西北與鳴鶴鹽課司鄰明制衛所子弟皆就襲  
官所在附籍應試謂之衛籍至今猶然觀海衛旣治

正定王氏家傳後記

三

慈谿則大聖公支裔卽在慈谿無疑今年世雖遠若  
亦能求其世次別爲篇弟以補正定宗譜之缺當亦  
我始祖昆弟及光祿都督兩公所嘉許者吾宗子姓  
尙其勉旃

乾隆間先太高祖廊亭公箸家乘十卷吾宗掌故乃  
有成書嘉慶初族太高祖石萼公復考訂世譜徧徵  
舊說定本族爲六大支一曰權城村始祖清源公下  
一支二曰權城村處士公房一支三曰府城東門內  
耆英坊光祿公房一支四曰耆英坊布政公房一支  
五曰耆英坊膠州公房一支六曰龍藏寺街紹廷公

房一支此六支下分居本縣各鄉者有里雙一支小屯一支三里屯一支塔子口一支西上寨一支羅家莊一支東平樂一支韓家樓一支新城鋪一支分居外縣者有獲鹿縣元村一支鎮頭村一支鎮頭楊家莊一支藁城縣奉化村一支趙莊一支果莊一支固營一支行唐縣化壁村一支東正村一支協神村一支靈壽縣青練莊一支分居外府州縣者有保定府清苑縣二支天津府天津縣一支大名府大名縣蟬它坊一支趙州一支趙州柏鄉縣一支分居外部者浙江慈谿縣觀海衛一支外復有杭州府治一支江

正定王氏家傳後記

四

西南昌府治一支湖北襄陽府襄陽縣一支河南彰德府臨漳縣一支大小總三十六支皆見家乘惟觀海衛一支及現以需次游學僑居京師及外部者不與焉內趙州一支舊譜無考光緒十七年耕心客濟南聞諸從弟官澄始訪得之而亦莫能詳其所自出蓋吾宗譜錄失修已久故於各支之存亡盛衰皆不能深悉原委以後凡我宗人獲見家傳者宜各詳敘本支寄送正定宗祠以備纂集庶大宗全譜永無缺佚之虞追遠敦族是爲首務聞風興起當必有同志

君子在

世世支支不絕本譜各處皆有存本

故明萬曆閒先九世祖光祿公誤定世次十六字曰  
祖兆太原榮發眞定世蔭觀海文武昌盛歷世遵用  
未有通其說者至先從父武定公始詳考宗乘爲釋  
其義曰祖兆太原謂吾宗先世系出太原也榮發眞  
定謂我始祖大賢公遷眞定後子孫以文學起家也  
世蔭觀海謂大賢公弟大聖公授世襲指揮僉事實  
隸浙江觀海衛也文武昌盛合兩支通言之亦頌禱  
之辭也眞定眞字後以本縣更名正定吾宗命名亦  
改用正字康熙閒亦有用鎮字者以唐時鎮州治眞  
定縣也觀海字故記皆作觀不知何時誤觀爲官近

正定王氏家傳後記

五

世命名遂無不作官字者旣違先製且使此句之義  
湮沒不彰可惜已今耕心以族人命名已有至文字  
者因敬白宗老續定十六字曰惠懋秉彝學傳善慶  
錫敘端守允修篤敬并前製十六字皆附記於此他  
日當編入宗譜以垂久遠本末彰著或不致再涉疏  
謬云

先大父仲恆公宣南日記曰先世家乘昔經我曾王  
父廓亭公手訂者著錄之文皆有法度絕少紕繆後  
三十年以傳鈔者眾已不免互有增損今年夏偶取  
近時錄本觀之則竄亂愈甚誤不勝乙爲之憤懣累

日以後族中如議重修家譜宜折衷至當不可踵襲  
譌謬詒誚通儒也時在咸豐紀元五月去廓亭公成  
書時已六十餘年矣耕心昔讀家乘頗有獻疑碑版  
諸文皆隨事訂正及見先大父所記乃悟其致誤之  
繇因述校勘記一卷以示不敢專輒今撰次家傳於  
已正諸說皆所不取蓋不惟義法當爾亦所以述先  
大父之志也又正定府舊志先十二世族祖福州公  
傳書公解任事稱郡人爲公鳴冤者數千人新修縣  
志又作千人縣志先從父檢討公傳又曰饒經濟敦  
氣節於國家事指陳利弊悉可見諸施行云云耕心

謹按福州公行狀及俟官鄭三才所撰公傳皆作爲  
公鳴冤者數萬人浙東沈奇芳詩豪有晉安紀異詩  
十首專記此事其前敘亦稱爲公鳴冤者二三萬人  
以此知行狀所載數萬人字乃當時實事非出杜撰  
而府縣兩志輒厯次核減莫喻其故殆意以人數太  
多懼涉聚眾之嫌歟則時隔二百年地去六千里固  
已無嫌可避而公之被誣正以民情愛戴乃渥荷  
聖祖矜察俾復厥職前輩旣已播之詩歌流傳已久  
則當時事狀尤有不容隱飾者故今博考眾說新傳  
之文仍以行狀爲定於兩志所改不能不少涉異同

云先檢討公官翰林時惟充國史館協修官未嘗  
上疏言事縣志所云蓋意在推獎而譽出不虞未必  
爲公所宥受今亦不取皆所以存事實也吾宗風尙  
質實深戒浮誕家乘所錄舊文雖猥瑣抵牾時不能  
免獨無傳會之陋今新傳諸文悉稟前規而彌加敬  
慎事非證據未嘗輒書少涉疑似甯從舍寘不欲執  
鄉塾臆見以抑揚我先人故雖地志溢量之辭失考  
之說亦必鈇覘明審靡所阿比不惟糾正碑版諸文  
已也外此猶有不及備論者亦皆以此爲標準折衷  
至當之訓小子詎敢不勉吾宗子姓苟知此意乃不

正定王氏家傳後記

七

致妄沿俗說繆述丹青非格物烏能致知若闕茸不  
學卽所以蔑我先人矣可不慎哉  
傳記之文凡地名官名皆宜直書當代之制不得妄  
援古昔以惑後世此史法也唐宋大家文爲例已不  
能純至明中葉後七子之徒倡言復古而不知所以  
古乃強并其名器一切古之於是鄉塾失考習非勝  
是遂成痼疾而史法蕩然矣近世堯峰汪氏望谿方  
氏穆堂李氏隨園袁氏簡堂惲氏諸先生於此等義  
例辨析已久而攬其全文湔祓猶不能盡則復禮之  
難也耕心昔讀先世碑版文見有書戶部主事爲司

徒尙書郎者有書甯波府同知爲明州司馬者有書  
眞定爲恆陽者意頗以爲惑世誣民無理取鬧故今  
新傳所書悉以史法爲宗雖相國守令之於官中山  
析津之於地亦必矯而正之不使稍有出入惑誣之  
弊庶幾其免特著於此以代釋例謹之至也或謂傳  
文篇首無不著姓氏縣名者頗疑衍設奈何荅篇幅  
之文皆宜以一篇爲起訖者也知以一篇爲起訖則  
衍設之疑可釋矣昔賢著先世家傳每不書姓氏里  
居以爲子孫之辭宜爾不知或錄一文入他書讀者  
且不知爲何許人若縣名屢易則惑人尤甚是雖欲

正定王氏家傳後記

八

傳其先人適以沒之矣揆之義例殆非盡善今竝矯  
而正之亦謹之至也烏呼學已僻則飾智驚愚學已  
陋則倍理售妄不飾不倍乃衷於誼此其說雖不足  
以質大雅而以爲吾子弟勸或無惜焉非好辯也不  
得已也

光緒十九年太歲在癸巳春三月清源公弟十九世  
裔孫耕心謹撰

正定王氏家傳後記竟



821

100

